

Endagiriro Ya Gabulyeri Eri Danyeri

Jeffersonville, Indiana, USA

Julaayi, 30 1961

1 Mukama Akuwe Omukisa ow'oluganda. Mwasuze mutya nno, mikwano gyange. Ebbugumu lingi nnyo ffe okubeera wano mu Kunjaaniro enkyo ya leero, naye ate kya kitalo nnyo okuba wano. Tuli basanyufu nnyo nti tusobodde-tusobodde okujja mu lukunjaana luno olwa leero. Era nnalanga nti njia kuba n'okusomesa ku Wiiki Ensanvu eza Danyeri. Ekyo kikwatira wamu bulungi n'Obubaka obukyasigaddeyo nga sinnaba kukwata ku -Envumbo Omusanvu, nga bye, Envumbo Omusanvu, Kawumpuli ow'emirundi omusanvu, Amakondeere Omusanvu, Ebwoobe Ebisatu, omukazi mu njuba, okusuulibwa ebweru kw'ogusota ogumyufu, Okussibwako envumbo ku mitwalo ekkumi n'ena mu enkumi nnya - byonna bibeerawo mu kiseera kino . Era nnalowoozezza nti nnina okusooka okuyingizaawo kino.

2 Kaakati, ebbugumu lingi nnyo; tetwagala kulwa wano, tujja kubeerawo -ekiseera kye tunaasobola. Ate kino kye kiseera, emirundi emingi omutatera kubeeramu ebikolebwa, ekiseera ekyo abantu mwe batatera kugenda mu kkanisa, naddala nga... Ate nga bona balina mu bifo byabwe ebyuma ebiweweza empewo na buli kimu mwe bawulirira obulungi. Naffe twandikyagadde ekyo, wabula mu kiseera kino tetukirina.

Bangi ku bajajja ffe baatuulanga wabweru mu musana ogwaka ppereketya. Bwe ndowooza okwetondera abantu olw'obutaba na kifo omuli ebyuma ebiweweza ku mpewo, ebirowoozo byange bitera okuddayo eri mu Afirika gye baatuulanga mu budde omwali kibuyaga, nga n'enviiri z'abakazi zibabisse amaaso, ne batuula awo emisana n'ekiro nga tebavuddeewo awo we baabanga batudde; nga tebalidde, newankubadde okunywa, n'ekintu kyonna, naye ne basigalira ddala awo okusobola okufuna Ekigambo ekimu oba ebibiri wano na wali okuva eri Mukama.

3 Ndowooza ne ku Mexico, ebbugumu gye lyali eringi ennyo okutuusa nga, mazima ddala nnali ndi mu kisenge omwali ekyuma ekiweweza empewo naye ate nga ndi mu kwewujja mu bbugumu eringi ennyo. Ne ndaba abantu bali abatuukanga ssaawa ssatu ez'okumakya mu kisaawe ggaggadde, omutaali na ntebe ez'okutuulako...Abantu abalwadde, abayi, abanaatera okufa: kkookolo, ebizimba, ba maama abalwadde, abaana abato abanaatera okufa, na buli kimu nga bayimiridde: awo wennyini mu musana ogwaka ppereketya, nga tewali na kisiikirize eky'okweewogomamu n'akatono, okuggyako buli omu okwesigama ku munne okuva ku ssaawa ssatu ez'okumakya okutuusa essaawa ssatu ez'ekiro, nga bakikola okusobola okuwulirizaayo eddakiika asatu okuyita mu muvvuunuzi basobole n'okulaba ebikolwa bya Katonda. Batuulanga awo nga balinze, nga bambadde ebyambalo ebigumu, bye baayambalanga mu nnaku z'obutiti ne mu nnaku z'omusana; kubanga z'ezo ze baalina zokka. .

4 Ate era ne ndowooza ne ku baabeeranga mu bibira ebyo, nga bwe baaleetanga abantu abalwadde abataasobolanga na kusituka, era ne mu India, gye baabatumanga omu nga ali wansi omulala ne bamugalamiza waggulu we, n'omulala waggulu w'oyo ate, bwe batyo, nga balina ebigenge n'endwadde nnyingi, ebyabaleeteranga okuwalilibwa mu nguudo, ne babagalamiza mu musana guli ogw'omu nsi ez'ebbugumu, ogwokya, era ogukalirira, nga kibuyaga akunta omuli n'okumyansa okw'amaanyi n'ebiri ng'ebyo-baagalamiranga mu musana ogwo ne mu kibuyaga omungi n'embeera yonna, ne batavaawo yadde okwemulugunya, nga bafuba okulaba nga bafunayo Ekigambo kya Katonda wano na wali, olw'emmeeme zaabwe. Kati olwo ffe eddakiika okwetonda amakya ga leero kiki nga tulina we twewogomye nga n'ebiujjo bikola. Era kitugwanidde okuswala bwe tubaamu n'okwemulugunya ku kyo.

5 Era nzijkira ebbanga ssi ddene eriyise ku kizinga ekimu, ekimu ku bizinga by'omumayanja ag'ebukiika obwa ddyo; Nnali nnina olukunjaana eyo ekiro ekyo. Ate Oh, ne wasituka kibuyaga ow'amaanyi. Oh, nnali sirabangako ku kibuyaga ng'oyo nga alimu okumyansa okuddirijjana, nga kumulisa ensi, era nga n'embuyaga bwe zaafuuwanga emit ne gisuulibwa ku ttaka. Ne njamba muli nti, "Kale, balabika...ndowooza ka nneyambuleko essuuti yange kubanga walabika tewajja kubaayo muntu yenna emmanga eyo."

Nga wayiseewo eddakiika ntono emmotoka entono n'eija kumpi n'oluggi, era omuntu n'akonkona ku luggi, nga mwetegefu okugenda.

Ne njamba omulenzi oyo (yali amanyi oluzungu.); Ne mugamba nti, "Emmanga eyo waliyo omuntu n'omu?"

N'anjamba nti, "Abantu bangi nnyo bayisizza n'enguudo ezisalamu ekibuga eziwerako okuva ne we tugenda." Ku kisaawe ky'omupiira ggaggadde.

Ne mmugamba nti, "Ky'otegeeza nti abantu bali-gye bali mu bungi bwe batyo," ne njamba nti, "mu kibuyaga omungi bw'ati?"

N'addamu nti, "Baagala kuwulira ebifa ku Katonda." Mulaba?

6 Bw'entyo ne-ne njendayo, nga waliwo abakazi, abawala abato, abavubuka, nga tebatyetyemuka, yadde okwesesasesa, oba okugaaya chewing gum, newankubadde okwogera ku mikwano gyabwe

abalenzi, okuggyako okwekwata, ku buli Kigambo, nga tebaseguse n'akatono-wabula okutuula awo ne bawuliriza. Okubayita okujja ku wolutaali-okuyita bantu ku wolutaali, enkumi n'ekumi baasituka nga bayunguka amaziga bwe batyo, nga bawanise emikono gyabwe eri Katonda, nga baagala okusaasirwa eri emmeeme zaabwe-abawala abavubuka, n'abalenzi, ab'emyaka kkumi na musanvu, ne kkumi n'omunaana. Naye kati kizibu n'okufunayo abakadde abakuwuliriza. Mukiraba? Ki-kiraga nti tetulina na kye tuyinza kwemulugunyizaako. Katonda Yeebazibwe. Yee, ssebo.

Twandiyagadde okukifuula eky'omulembe ng'abalala mu America bwe bakola, naye tetukoze bwe tutyo, n'olwekyo tujja kukozesa kye tulinawo.

7 Kaakati, nninayo ekintu ekitono kye nneetegerezza kye nandyagadde nkole mu Kunjaaniro wano nate. Bameka abalina Bayibuli, muwanike ku mikono gyammwe. Kirungi. Tugende mu Zabbuli 99 nga tetunnayingira mu kusaba. Twakikolanga kino edda, Ow'oluganda Neville, emyaka mingi egiyise. Simanyi oba nga...Mwasomyeeyo ku Zabbuli enky ya leero? Nedda. Nnandyagadde-ekibiina okusoma ezimu ku Zabbuli.

Enky ya Leero bwe mbadde mu kisenge kyange gye nsomera nga nfumiitiriza ku bubaka buno n'Ekgambo, ne ndowooza nti, "Omanyi, kyandiba ekirungi nate okuba nti-bonna basomayo Zabbuli; nkyagalira nnyo ddala ekyo." Ensonga Iwaki nnakeereyeemu...Waabaddewo essimu ng'evudde wala okuva e Cheyenne, era eyo ye nsongwa Iwaki nnabadde...

Era Kati nga tudda eri Zabbuli eno, Nninayo ebirango eby'okulanga ebyakampeebwa. Kati, Zabbuli 99...

8 "Okuva kati, ebirango byonna ebikwatagana n'enkuunjaana ezibeera wano mu Kunjaaniro lino ne mu nkuunjaana endala zonna bijja kuva mu wofiisi eri e Jeffersonville. Omuntu yenna eyandyagadde okumanya ebikwatagana n'enkuunjaana ezo alina okujuza awantu, oba okuwandiika erinnya lye, n'endagiriro n'abiteeka wano ku kituuti nga olukunjaana Iw'okusaba luno luwedde ekiro kya leero. Ojja kufuna okuddibwamu mu budde osobole okweteekateeka o-okubaayo mu nkunjaana ezo. Kati ekyo kiri nti, bwe wabaawo omuntu yenna gye bujja eyandyagadde okumanya wa we tugenda okubeera n'enkuunjaana, tulina enkola eteereddwaawo ku wofiisi, wabweru kati, nti osobola okuwandiika erinnya lye n'endagiriro yo n'obiteeka wano. Oluvannyuma ojja kuweebwa kaada mu budde osobole okumanya wa enkuunjaana ezo gye zigenda mumaaso, kabe kasinge n'ebiyokuyigako ebinabeera by'ogerwako n'ebirala byonna ebyetaagisa okumanya, bwe kinaaba kisobose. Mukiraba? Bwe watabeerawo ekifo ekitongole okulanga we kuva, osanga omu ayogera *kino* ate omulala n'ayogera *kiri* n'oba nga totegedde. Mulaba? Kale muleke-muwandiika amannya gammwe wamu nendagiriro mubiteke wano, awo Billy Paul ajja kubitwala abikoleko.

9 Kati, era kyabuuziddwa, oba wanabeerawo endala..."Ow'oluganda Branham, onoobeera n'enkuunjaana endala ez'okuwonyezebwa wamu n'okwawula kw'emyoyo mu Kunjaaniro wano?" Nedda. Nedda, Okwawula kw'emyoyo kujja kulangirirwa a- akakiiko kaffe akalala. Tulina n'Owoluganda Neville wano kati alina ekirabo eky'obunnabbi, era awa obunnabbi ku balwadde n'abategeesa ebyo bye baba beetaaga okumanya. Era tulina n'owoluganda erinnya Higgi-Higginbotham, omu ku-eyali omu ku bawanika, era eyawereera n'obwesigwa ku kakiiko ako. Simulabawo amakya g'olwaleero, naye atera okuba n'ekirabo ky'okwogera mu nnimi, ate n'omukyala omulono ayitibwa Arganbright, mwannyninaze omulungi ennyo alina ekirabo eky'okuvvuunula ennimi.

10 Era obubaka obwo bubaddenga bukakasibwa okuba obwa Katonda, kubanga eky'amazima kiri nti tebuva ku mulamwa, ate nga buba n'ekola entuufu. Ate amangu ddala ng'ebirabo bino byeyongera obungi, tujja kugezaako o-okuzzaawo entegeeka entuufu ekkanisa gy'erina okukozesa. Era nñenda kubalaba mangu nnyo ddala, enkuunjaana zi-zi-zisobole okutambuzibwa obulungi ddala mu nkola ya Mukama, nga bwe tunaaba tusobodde okukituukirizza obulungi ddala.

Naye ate abantu abaagalwa bano, nga muliranwa wange, Mukyala Wood, bw'ayogera, alina n'akazindaalo akawanikiddwa waggulu wano n'akatambi emabega eri okusobola okukwata ku lutambi ebigena mu maaso mu lukunjaana nga ekigendererwa kwe kufuna obubaka obwo, era buwandiikibwe awantu, bulyoke buzuulibwe oba nga butuufu oba nedda. Mulaba? Bw'atylo bw'abukebera. Mmanyi Mukyala Wood okuba omukazi omwesimbu, era abadde ambuulira ku bintu ebingi eby'ogerwako nga bwe bituukirira.

11 Kati, ekyo tukisiimira ddala. Nga kindeetedde emmeeme okudda mu nteeko nga ndi eka, bwe nkomawo eka. Okwawula kw'emyoyo kuli okw'obunnabbi kunkutulira ddala; era ku Iw'ekyo, Katonda Ansindikidde okutoowolokoka ku ekyo, okuyita mu bunnabbi, n'okwogera mu nnimi, n'okuvvuunula, ng'ate n'ekyo bwe bunnabbi-nakyo bunnabbi. Okwogerera mu nnimi, baba bantu babiri abawa obunnabbi: omu ayogera, ate omulala n'ategeera munne by'ayogedde mu lulimi olutamanyiddwa buba bunnabbi bwennyini.

12 Era kati, tujja... Ekyo tukirina wano buli lunaku, mu buli lukunjaana kasita tuba n'enkalala z'abokusabira mu lukunjaana.

Kati, ate omuntu omu ayinza okubuuza ,baakikoze dda-ku nsonga y'ekirabo. Yee nkyakirina, naye enkola eyo-engeri yokka gye nkikozesaamu lwe lwo lwe nsisinkana abantu ssekinnoomu, ate mbaddenga nnikola. Era okusobola okufuna enteekateeka ey'okukusisinkaniramu nzikiriza bakirina wali ku kipande kwe bateeka ebirango mu buwandiike, okufuna olukusa era n'okufuna essaawa entuufu ey'okukusisinkaniramu, Billy Paul, mutabani wange y'abirimu ku bya wano ne mu nkunjaana endala oluvannyuma lwa luno. Ebweru eyo mu njiri, buli wamu, olina okuba ne ka kaada Billy Paul k'ajja okukuwa. Bw'oba olina ekintu mu bulamu bwo ky'ototegeera, era nga tomanyina bw'onookivvuunuka, era ng'oyagala okutegeera okwagala kwa Katonda ku kyo, kati olwo leka... Billy Paul, mutabani wange, ng'ate ye muwandiisi, ajja kukuwa ka kaada, era akutegekere olunaku olw'okukusisinkanirako, mu mpalo.

Era ate bwe tunaaba tuisinkanye ku nsonga eyo, olwo lwe tunaagenda ffembi munda, ggwe nange. Bwe banaabeera abakazi nga be bajja, ojja kuyingira nange ne mukyala wange. Ate olyoke..Tujja kuzuula, era tunoonye Mukama era tumubuuze kiki ky'olina okukola.

13 Kati, ensonga endala, ezitali z'amaanyi n'ebirala ng'ebyo, tubiwa Ow'oluganda Neville, n'Owoluganda Higginbotham, wamu ne Mwannyinaze Arganbright, n'abalala aboogera ennimi n'okuzivvuunula, ng'ate ekkyo kiri wano mu Kkanisa.

N'olwekyo tuli ng'olugendo luli. Nzirkiriza yali Yesero, eyagamba Musa olunaku olumu, mulaba, nti, "Tufuneyo abakadde." "Era Omwoyo wa Katonda Yaggibwa ku Musa n'assibwa ku bakadde ensanvu, era ne bawa obunnabbi. Naye ebikulu era n'ebikalubo byasigala bye bijja eri Musa yekka." Kaakati, tetuli Musa, yadde bano wano nti be bakadde, wabula tuweereza Yakuwa Katonda Oyo, nga n'Empagi y'Omuliro y'emu Etukulembera okuyingira Ensi ensuubize. Wewaawo, kale, era wajja kubaawo endala, wajja kubaawo enkunjaana era wabewo okuvvuunula...n'okwawula emyoyo kubeevo. Ekyo nange kijja kuba kimpa omukisa okubeera mu kusaba n'okusoma, naddala mu nnaku ezo ze naaba mmanyi nti njenda kubasisinkana, nsobole okuzeetegekera.

Kati mujjukire nti, Billy Paul Branham, Omuwandiise waffe mu njiri ey'ebweru, ajja...kiri ku...Ekirango kiri ku kipande emabega wali, nga kiva eri abawanika. Nnina wano akalango akawandikiddwa okulanga ebyo, era n'okutegeeza abantu nti mujja kubisoma ku kipande, nga mufuluma.

14 Kaakati, kati, enkya ya leero tulina eky'okuyigako kikulu ddala, era tujja kweyongerayo ku kyo ekiro kya leero. Era Mukama nga Ayagadde, ne ku Ssande eddako, nendala, nga tuli ku kyo, Nnali simanyi buziba bwa kyo okutuusa lwe nnatandika okusimako. Ate nno kikyali kyama gyendi, era ndi mu kwesiga Mukama kyokka.

15 Kati mmwe abalina Baibuli zammwe, ka tugende mu Zabbuli 99, 99. Era nja kusoma olunyiriri olusooka, ekibiina kisome olunyiriri olw'okubiri, olwo ate ffenna wamu tujja kusoma olunyiriri olusemba. Tweyongereyo; nze, olusooka; ekibiina, olw'okubiri; nze olw'okusatu; ekibiina, olw'okuna; okutuuka ku lunyiriri olusemba, ate awo tulusome ffenna wamu.

Tuyinza okuyimirirako nga tugenda okusoma Ekigambo kya Katonda.

[Ow'oluganda Branham n'ekibiina basoma Zabbuli 99:1-9 nga bw'alunjamizza-Omuk.]

Mukama afuga; amawanga gakankane: Atuula wakati wa bakerubi; ensi esagaasagane.

Mukama mukulu mu Sayuuni; Era ali waggulu okusinga amawanga gonna.

Batendereze erinnya lyo ekkulu era ery'entisa. Ye mutukuvu.

Era amaanyi ga kabaka gaagala omusango ogw'ensonga; Ggwe onyweza obutuukirivu, Otuukiriza omusango n'obutuukirivu mu Yakobo.

Mumugulumizenga Mukama Katonda waffe, Era musinzizenga ku ntebe y'ebigere bye: Ye mutukuvu.

Musa ne Alooni mu bakabona be, Ne Samwiri mu abo abakoowoola erinnya lye; Baakaabira Mukama, n'abayitaba.

Yayogerera nabo mu magi ey'ekire: Baakwata bye yategeeza; n'ekiragiro kye yabawa.

Wabaddamu, ai Mukama Katonda waffe: Wali Katonda abasonyiwa, Newakubadde nga wabawalana eggwanga olw'ebikolwa byabwe.

Mumugulumizenga Mukama Katonda waffe, Musinzizenga ku lusozi lwe olutukuvu; Kubanga Mukama Katonda waffe mutukuvu.

16 Ka tukoteke emitwe gyaffe.

Mazima ddala, Mukama, ebigambo bino byassibwa mu buwandiike era ne biwandiikibwa omuddu Wo,

Dawudi, mu Zabbuli gy'Oli. Ggwe Atuula wakati wa Bakerubi. Oli mutukuvu, era n'OLusozi Lwo lutukuvu. Leka tukusemberere nga emitima gyaffe gimansiddwako Omusaayi gwa Mukama Yesu, nga tulina endowooza ennoongoofu wamu n'okukkiriza n'obukakafu nti tujja mu Kubeerawo kwa Katonda waffe. Leka abawuliriza bona abali wano bakusseemu ekitiibwa. Ggulawo amatu g'okutegeera kwaffe. Yogera nga Oyita mu ffe, mu magezi, tusobole okumanya engeri gye tulina okweyisaamu mu nnaku zino era ne mu Kubeerawo Kwo.

17 Tukusaba era, Katonda waffe, ebyama bino ebibadde nga byakwekebwba emyaka gino gyonna, nga bwe tusemberera ebimu ku bigambo ebisingayo okuba eby'obwesimbu, era ebikuutira. Ggwe wakyogerako bwe Wali wano ku nsi, era Wagamba nti, "Oyo asoma, ategere." Kale nno, tujja olwekisa Kyo gy'Oli, Mukama, ne tusaba Amagezi Go, nga tetumanyi kya kwogera. Ntegese wano Ebyawandiikibwa ebitono, era mu bwesimbu nga tweweereddyeo ddala gy'Oli okusobola okufuna eky'okuddibwamu, nga tetulina kigendererwa kirala kyonna okuggyako okutegeera essaawa mwe tuli, tusobole okwetegekera ebantu ebikulu ebyomu maaso. Tookituwe, Mukama, mu Linnya ly'Oyo Eyatuyigiriza ffenna okusaba nti! [Ow'oluganda Branham n'ekibiina basabira wamu nga bwe kirambikiddwa mu Matayo 6:9-13.- Omuk.]

...Kitaffe ali mu ggulu, Erinnya lyo litukuzibwe.

Obwakabaka bwo bujje. By'oyagala bikolebwe mu nsi, nga bwe bikolebwa mu ggulu.

Otuwe leero emmere yaffe eya leero.

Otusonyiwe okwonoona kwaffe, nga naffe bwe tusonyiwa abatwonoonako.

Totutwala mu kukemebwa, naye otulokole eri obubi. Kubanga obwakabaka, n'obuyinza, n'ekitiibwa, bibyo, emirembe n'emirembe, Amiina.

Mutuuleeko.

18 Kaakati, oba ng'abasajja baagala kuggyako makooti gaabwe, mubeere ba ddembe. Era n'abo abayimiridde okwetooloola ku-ku bisenge, bwe munaawulira nga ebigere bibaluma, kale, mubeere ba ddembe okufulumamu.

Ate kati, ndowooza, abaana bwe baba nga baagala kugenda mu bisenge byabwe, oboolyawo baabasiibudde dda? [Ow'oluganda Neville agamba nti, "Nedda tebasobola. Tetusobola kubeera nabo amakya ga leero, Olw'obungi bw'abantu."-Omuk.] Omusumba agamba nti abantu bajjuza ebisenge, n'olwekyo tetusobola kubeera ne Ssande Sikuulu ku Iw'abaana abato. Era nga twandikisanyikidde singa mwe abaana abato mukolagana bulungi naffe, kubanga enky ya leero tulina, tutandika Obubaka, obukulu ddala bwe nkakasa nti bujja kubeera bwa mugaso eri bakitammwe, ne bannyammwe, era n'eri abaagalwa bammwe abali wano, n'eri mmwe abaana abato. Bwe tutyo tukisemberera mu bwetoowaze obusingayo.

19 Mukama bw'Aba Asiimye, enky ya leero tutwala eky'okuyigako ekya Wiiki ensanvu eza Danyeri. Era amakya g'olwaleero twogera ku Danyeri nga ali mu buwambe, era nga Gabulyeri Ayingirawo okumuwa endagiriro ku bigenda okubaawo mu biseera eby'omumaaso. Nga Danyeri ali mu kusaba, Malayika, Gabulyeri, yajja okumuwa endagiriro.

Ekiro kya leero, njagala okwogera ku Ebigendererwa Omukaaga eby'okukyala Kwe, eby'okuyigako eby'enjawulo mukaaga bya kuleetebwa ekiro kya leero. Ebyaleeta Gabulyeri.

Ssande ejja, Mukama ng'Ayagadde, njagala kuleeta ensonga Iwaki era n'obudde bw'Emirembe Omusanvu egypt'Ekkanisa, era n'ebiseera mwe gibeererawo, ne wa we tuyimiridde olwa leero. Ekyo kijja kuba ku Ssande ejja ku makya, Mukama ng'Ayagadde.

20 Kaakati, ensonga Iwaki kino kityo. Nnaleese ebiwandiiko mu bufunze okuva mu bubaka bwe mbadde nnaakabuulira mu nnaku entono eziyise. Era enky ya leero njagala okuddayo katono emabega mbikwataganye, kubanga kino kikwatibwa ku ntambi ezinaagenda mu nsi yonna, mu mawanga mangi. Ate, bulijjo Iwaki nzirayo katono emabega okukikwataganya, kiri Iwakuba nti oboolyawo waliwo omuntu anaawuliriza olutambi nga gwe mulundi gwe ogusooka, ate n'alemererwa okutegeera kye nnali ntegeeza bwe njuliza ku kintu ekirala.

Kati tumaze emyezi nga tuli ku ky'okuyigako ky'omu Kitabo eky'Okubikkulirwa, Okubikkulirwa kwa Yesu Kristo. Tuyise mu mirembe gy'ekkanisa. Essuula ezisooka essatu ez'Okubikkulirwa gyali mirembe gy'ekkanisa. Ate olwo Yokaana n'asitulibwa mu ssuula ey'okuna n'eyokutaano, n'alagibwa ebantu ebyali-ebiyali bigenda okubaawo oluvannyuma. Kati, mu ssuula ey'omukaaga, adda ku nsi nate, okulaba ebigenda mu maaso ebyo ebinaabaawo okuva mu ssuula ey'omukaaga, olunyiriri olusooka, okutuuka ku ssuula ey'ekkumi n'omwenda n'olunyiriri olw'abiri mu olumu. Omwo mwe muli Envumbo, Kawumpuli, Ebiwoobe, enzige, o-omukazi mu njuba, Okussuulibwa ebweru kw'ogusota ogumyufu, okusibwako kw'envumbo emitwalo ekkumi n'ena mu enkumi nnya, na bino byonna.

21 Eno ebadde wiiki ey'okuyiga okw'ekitalo. Olunaku lwa jjo, lwonna, katono nnemelerwe okuseguka okuva mu kisenge, nga ndi mu kusoma. Ate kino kiri mu biseera eby'oluvannyuma, bangi ku bakadde abali wano, be nnakiyigirizaako, nnayogera bwogezi nti, "Munda muno mwe muli wiiki ensanvu eza Danyeri," naye ssaagezaako kukikwatako, okukinnyonnyola. Wabula ku mulundi guno, olw'ekisa kya Katonda, nkitalde ku mutima gwange okusaba Katonda Ampe ekisa, nsobole okukireeta eriabantu. Ate wano ndi mu kuzuula ebintu bye sirina kye mbimanyiiko.

22 Era, nno, mbadde nsoma Ekitabo kya Dr. Larkin, n'ekitabo kya Dr. Smith, n'ebiwandiiko bya Dr. Scofield, okunnyonnyola okw'enjawulo okuva mu bantu abava mu bifio bingi, ate nga sisobola kukwataganya ebyabwe ebyo byonna okuggyamu ekituufu. Mulaba? Bwe ntyo, wiiki eno mbadde mu tterekero ly'ebitabo eriri e Kentucky, nga nsoma ku ngeri ey'edda mu by'okwekkeneenya eby'emmunityenye eziri mu bwengula mu kalenda ne ku budde n'ebiro, nga mbiggya mu materekero g'ebitabo ebyo, n'awalala wonna, era ne mu bitabo ebikadde eby'edda ennyo bye nsobodde, era ku kitono kye nsobodde okukola, nteeka obwesige bwange n'obumalirivu mu Yesu Kristo okukimbikkulira

Kubanga, saagala kukyogera nti, "Mmanyi *kino*, era mmmanyi na *kiri*." Amanyi omutima gwange . Era Ampuliriza kati. Naye nkyetaaga, nsobole okumanya abantu Be, n'olwekyo nzikiriza nti Ajja kukimbikkulira. Sinnakimanya, naye mwesize ku lwa Ssande ejja, kubanga ekyo kye kijja okubeera ekitundu kkuulaamalungi, Ssande ejja, okumanya era n'okuteeka wiiki ensanvu ezo awatuufu.

Buli emu erina ekifo eky'enjawulo. Ate bw'oyitamu, n'oba nga oziyitamu zonna wamu, tezivaayo bulungi, ziba tezirambikiddwa bulungi. Tekijja. Era, olw'ekyo, nnyinza okuba nga sinnakitegeera bulungi, naye nja kwesiga Mukama okukimpa.

23 Era nzijkira Sulemaani olumu bwe yeegayirira n'asaba Mukama Katonda okumuwa amagezi, si ku lulwe ye, "si kumwongerako nnaku n'obulamu, si eby'obugagga," naye okufuna amagezi asobole okumanya engeri yo-y'okulamula abantu ba Katonda. Era Katonda Yassa ekitiibwa mu ssaala eyo, era n'Awa Sulemaani amagezi ago, kubanga gaali ga kukozesebwa eri abantu Be. Era eyo y'ensonga Iwaki nange nsaba Katonda okunsobozesa okutegeera amakulu ga wiiki zino ensanvu, kubanga nkimanyi nti ye Kalenda y'omulembe guno mwe tuli. Era, bwe ntyo, njagala okukitegeera; si ku Iwange nze kennyini, siriiwo ku Iwange nze kennyini. Wewaawo njagala okutegeera amakulu gaakyo. Si kyogera bwogezi bwe ntyo nti, "Si ku Iwange nze kennyini" kubanga nange nkyetaaga. Njagala okukitegeera, kubanga njagala okumanya wa we tuli era kiseera ki mwe tuli. Ate, era, nkimanyi nti kyaweebwa.

24 Era abantu bangi babadde bakiteebereza, nga ate bakiteeka ewala eri emabega. Omuntu omu, nnabadde nsoma, ye yalaga , wiiki zino ensanvu, nga zikomekkereza mu 1919. Kale, bwe kityo si bwe kyalil.

Kubanga, Oluvannyuma lwa wiiki ensanvu, oluvannyuma lwa wiiki ensanvu, byonna biba biwedde, Kale ffe-tetwagala...Twagala okumanya Amazima. Era nsaba Katonda Ampe Amazima ago.

25 Kaakati, okusobola okukiwa omusingi, okuddayo emabega, njagala okuddamu ebintu bitonotono ku kye twayitamu gye buvudde. Kale, n'olwekyo, nnawandiiseeyo ebigambo bye twalaba mu Suula eyokutaano, ey'okuna n'eyokutaano, abantu basobole okutegeera. Okusookera ddala, nga tetunnayita mu kino, njagala okukikwataganya, mulyoke mukifune okuva mu y'okuna...Kati, mujjukire nti, Essuula ey'okusatu gwali mulembe gw'Ekkanisa ya Lawodikiya, era Ekkanisa yasitulibwa ku nkomerero ya Lawodikiya.

26 Kati, nnabadde ngezaako okubaako kye nkinnyonnyolako eri mukyala wange. Nnabadde ne Becky, muwala wange, nga alina enkuluze ez'enjawulo n'ebirala byonna bye twasobodde okufuna. Nga tebiwa kya kuddibwamu ekyo. Nnina enkuluze ya Bayibuli. Nnina enkuluze y'oluyonaani eri enkadde, Nze-nze Nnina- n'eya Webster n'endala eziwerako, n'enkuluze empya ez'omulembe gw'ennaku zino. Tewaabadd n'emu ku zo esobola ku...okuwa ebigambo ebyo newankubadde eky'okuddibwamu kyonna.

Mukyala wange n'anjambla nti, "Osuubira otya abantu baffe bano, ng'ate baavu, era nga bangi ku bo tebaasoma nga nnaffe bwe tuli, okutegeera ebintu ng'ebyo

Ne mmuddamu nti, "Katonda Ajja kutuwa eky'okuddibwamu."Ne bwe kiba kikalubo kwenkana wa, Katonda Asoboloa okukimerengula n'Akifuula ekyangu. Kubanga ffe abo...ekitundu ky'abantu abo abayaayaana era abasabira olunaku olwo era n'essaawa eyo. Era amaaso gaffe tugatunuuliza eri Eggulu, nga tulindirira Okujja Kwe. Era nkakasa nti Ajja kukitulaga. Kati tekijja kutubuulira olunaku n'essaawa, kubanga teri muntu yenna alikimanya ekyo, naye amazima ddala kijja kutubuulira olunaku lwa wiiki lwe tulimu, singa tumala ne tukifuna.

27 Kati mu ssuula ey'okuna, Yokaana yasitulibwa mbagirawo, oluvannyuma l'Ekkanisa. Yokaana, mu kugenda waggulu, yalaba omulembe gw'Ekkanisa omujjuvu. Awo we njagala okuwumuzaamu, akaseera akatono, okwogera, nti: Abantu abangi abali mu kusuubira ekintu eky'ekitalo, kkuulaamalungi, eky'amaanyi okubeerawo, mu mulembe gw'Ab'amawanga, basobu nnyo ddala. Omulembe gw'Ekkanisa, ne

byonna ebigenda okubaawo mu bufuge bw'ab'amawanga, biri mu buwandiike okuva mu Kubikkulirwa essuula esooka okutuuka mu Kubikkulirwa essuula ey'okusatu nga nayo ogizingiddemu. Awo Ekkanisa etwalibwa mu kukwakulibwa era n'esitulibwa waggulu, era ebirala bino byonna, okukutuuka mu ssuula eyekkumi na mwenda, bye bibaawo eri oluse Iw'Abayudaaya, oluvannyuma Iw'okusitulibwa kw'Ekkanisa. Ate era kye kiseera ky'ekibonyoobonyo ekinene; nga teri kibaawo eri ab'Amawanga; okuggyako okutirimbula kwokka, ne byonna ebiri ng'ebyo, nga bwe tuja okukituukako tukyetegereze.

Naye olwo Ekkanisa, yo, yagenda dda mu Iw'ekkumi n'essatu...Mu lunnyiriri olusemba mu ssuula ey'okusatu mu...Kubikkulirwa, Omulembe gwa Lawodikiya lwe gukoma, ng'ate gwe gusembayo.

28 Era twalaba buli mulembe gw'ekkanisa, buli kiseera ky'obudde, buli kintu ekyatuukirira, buli mmunyeenye, buli mubaka, ebikula byabwe, bye baakola byonna, ne tubiragira ddala okuva mu byafaayo okutuuka ku gusembayo ddala, twakikuba awo mu kifaananyi, ku kisenge ku mabbali. Ate oluvannyuma nga tumalirizza, Omwoyo Omutukuvu Yajja n'Akola enkulungo y'akyo kyennyini ku kisenge, era n'Akitubikkulira Ye Kennyini wano mu lujjudde.

Kaakano, mu kukola kino, nkakasa nti, we tunaakommekereza Ajja kujjira mu ngeri ey'ekitalo ennyo era Atulage nti tuli mu kiseera eky'enkomerero.

29 Bameka ku mmwe abaawulira ebigambo By Kennedy...Okwogera kwa Pulezidenti Kennedy, ebyayogerwa byonna? Bameka abaawulira okulowooza kwe ku by'omumaaso, nga agamba nti, Janwali nga lumu we lunaatuukira, kiteeberezebwa nti America ne Russia bijja kuba bifuisse vvu? Ekyo kyokka kye twetaaga. Obudde buyise okusinga ku kye tulowooza. Mulaba? Kale bwe tuba nga tusemberedde ddala okutuusa nga n'abasajja ab'ensi eno bateeberesa ekintu kino kkuuulaamalungi okuukirira, kitugwanidde okubeera ku bunkenke, nga buli kimu kyonna kiteredde, okwenenya kwonna nga kukoleddwa, enteekateeka zonna nga ziwedde. Kubanga tetumanyi ddi Mukama waffe Iw'Anaatuyita. Era bw'Anaayita nti, "Mujje eno wagguluko," tusangibwe nga tuli beetgegef. Ate era kigenda okujjira mu ssaawa gy'otakisubiram uokujja.

30 Okuzzibwa Obuggyra kwa Pentekoote kukomekkerezebwa. Tukiraba buli wamu, Omugendo ogw'ekitalo ogusemabyo. Obubaka busasaanye. Buli kimu kiri bulindaala, kirindirdde. Ekkanisa esibiddwa envumbo olw'okuggibwawo. Ababi beeyongera kukola bubi. Amakanisa geeyongera kuba ga mubiri. Abatukuvu beeyongera kusemberera Katonda. Ebirabo by'Omwoyo byeyongera kubuna mu bubinja obutono. Tuli ku nkomerero y'ebiseera. Oh, nga njagala oluyimba olwo lwe twayimbanga mu kkanisa.

Nnindirira okujja kw'olunaku olw'emyaka olukumi olw'essanyu

Mukama waffe Ow'omukisa Iw'Alidda era n'Ajjawo Omugole We amulindiridde;

Oh, emmeeme yange esinda, eyaayaanira olunaku olwo olw'okusumuluka
okutagambika,

Omulokozi waffe Iw'Alikomawo ku nsi nate.

(Nnindiridde essaawa eyo!)

31 Kaakati, mu ssuula ey'okutaano n'enyeri okuva ku Iw'okutaano, tukizula, mu musomo gwaffe ogwayita, nti twayogera ku Omununuzi ow'omu Lulyo, gwe twalaba nti Ye Kristo. Twakiragira mu kifaananyi kya Luusi: Luusi ng'asalawo; Luusi ng'aweereza; Luusi ng'awummula. Okusalawo kwali kwoleka kuggibwako omusango, okuweereza, nga yeteekateeka, okutukuzibwa; okuwummula, kwali kuba n'Omwoyo Omutukuvu, okutuusa Eky'eggulo ky'Embaga lwe kyajja. Nga Kirungi!

Ekkanisa yayita mu John Wesley, okuggibwako omusango, obo...Martin Luther, okuggibwako omusango; okuyita mu John Wesley, okutukuzibwa; okuyita mu Pentekoote, okubatizibwa kw'Omwoyo Omutukuvu; era kati, ng'ewummudde, erindirira Kujja kwa Mukama Waayo. Bulungi ddala!

Omununuzi waffe Ow'omu lulyo, abakadde baali batuufu bwe baamuyita Omwana gw'Endiga, ng'Anaatera okufuuka Empologoma, era omulamuzi. Yali Mwana gwa Ndiga, mukimanyi ekyo, mu Ekitabo ekyasibibwa n'Envumbo omusanvu. Ekitabo ekyo bwe kyatwalibwa, ng'omulimu gw'okutabaganya guwedde.

32 Kaakati, mu ssuula Ey'okusatu, Ekkanisa yali emaze okusitulibwa, naye kati obununuzi bulina okubikkulibwa, engeri Ekkanisa bwe Ya-Yanunulibwa, okubikkulirwa ku ekyo ekyaliwo mu mulembe gw'Ekkanisa. Mulaba, Ekkanisa nga egenze, kati wano Alaga, mu ssuula ey'okutaano, nga bwe Yakikola, kiki ekyaliwo, nga bwe Yasiba envumbo ku Kanisa. Okubikkulirwa kw'Erinnya Lye; okubatizibwa mu mazzi, nga okozesa Erinnya Lye; Obulamu Obutaggwaawo; Nga bwe watali Ggeyeena ya lubeerera; Ezzadde ly'omusota; Obukuumi bw'olubeerera; enjigiriza zonna enkulu, Okwawulibwa edda, okw'Ekkanisa, byonna ebyo byabikulirwa Ekkanisa. Alaga kaakano nga bwe Yakikola.

33 Kaakati, Omununuzi w'omu lulyo Iwaffe Oyo Akwasibwa Ekitabo ky'Obununuzi ekisibiddwako envumbo omusanvu okuva eri Nnannyini Kyo Eysooka. Amiina!. Ani Oyo, tukizula, Eyalu Nnannyini kyo Eysooka? Katonda Yennyini. "Era Omwana gw'Endiga Ajja n'Atwala Ekitabo okuva mu Mukono ogwa ddyo ogw'Oyo

Atudde ku Nnamulondo." Omwana gw'Endiga ye Yali Ani? Omununuzi, Omununuzi waffe Ow'omu lulyo, Ow'olulyo Iwe lumu n'Ekkanisa, Oyo Eyajja n'Anunula Isiraeri.

Kati tugenda kuyita mu ekkyo enkyo ya leero. Isiraeri yanunulibwa, naye tekyabakolera, kubanga baamugaana. Naye, Ekkanisa bo baafuna okununulibwa kwabwe, era Ye Mununuzi waffe Ow'omu lulyo. Nga Bowaazi bwe yalina okununula Nawomi, okusobola okufuna Luusi, Omumowabu, omugwira, Munnaggwanga; bw'Atyo ne Kristo Yanunula Isiraeri, n'Assaawo obununuzi, ne bamugaana.

34 Mujjukira ekisonyiwo, Omusajja eyakubwa amasasi, gwe nnyumyako ebiseera ebimu? Ekyaliwo mu lutalo Iw'ekinnansi, bwe...Yali muntumulamu. yali talina musango, ate ne bamusinza omusango. Wadde, gwali gumusinze mu ngeri emu, olw'okuba nti yatoloka okuva mu lutalo. Era ne bamusinza omusango nga bagenda kumukuba amasasi. Kati olwo omusajja omu n'agenda eri Pulezidenti Lincoln n'amugamba nti, "Mwami Lincoln, ono musajja Mukristaayo. Yatya buti. Omulenzi oyo, mmanyi n'abantu be. Yatya buti. Teyagenderera bulabe bwonna. Yadduka buddusi." N'agamba nti, "Mwami Lincoln, kiri mu buyinza bwo. Ggwe wekka asobola okumusonyiwa."

Mwami. Lincoln n'afuna akapapula n'ekkalaamu ye, n'assaako omukono ng'awandiise nti "Nsonyiye," Gundi ono. nze " Abraham Lincoln."

Nadduka mbiro okuddayo ku kkomera, n'agamba oli nti, "Kiikino wano. Nnina ekisonyiwo kyo."

35 Omusajja oli n'amuddamu nti, "Nze sijja kikitunulako. Kyandibadde n'akabonero akanene. Kyandibadde ne byonna. ogezaako kunfuula kisekererwa. Oyo si Abrahama Lincoln. Omuntu yenna ayinza okuwandiika erinnya lye. Naye kyandibadde kiwandiikkidwa nga kiriko n'akabonero ke, n'ebirala ng'ebyo, bwe kiba nga kivudde gyali." Era Omusaja n'agezaako okumukkirizisa; naye ng'omusibe alowooza munne asaaga, n'okumuvira n'amuvira.

Enkeera ku makya, ne bamukuba amasasi. Ate oluvannyuma Iw'okumutta, gavumenti n'eba n'omusango ogw'okuwoza, kubanga essaawa abiri mu nnya ng'omusajja oyo tannattibwa, Abraham Lincoln yali amaze okussa omukono gwe ku kiwandiiko nti asonyiyiddwa. Kati ate gavumenti n'egenda mumaaso okumutta. Ne biba bitya? Ekkooti evunaanyizibwa n'emisango gya gavumenti ya America, n'etuuka ku nsala y'omusango mu Kkooti, nti, "Ekisonyiwo tekiba kisonyiwo okuggyako nga oyo gwe kiweereddwa akikkirizza ng'ekisonyiwo."

36 Nga ne Yesu bwe Yanunula Isiraeri e Kalivaaliyo. Naye tekyali kisonyiwo gye bali, kubanga tebaakifuna ng'ekisonyiwo. Naye ate mu ky'okuyigako kyaffe kati ku wiiki zino ensanvu, tulaba nti bakomawo ne bafuna ekisonyiwo kyabwe. Naye, Ye Yanunula Ekkanisa, era tusonyiyiddwa kubanga tufunye Omusaayi gwa Yesu Kristo ng'ekisonyiwo kyaffe.

37 Kaakati, tuzuula nti Ye yali Omununuzi Ow'omu lulyo Iwaffe, era Yatwala Ekitabo okuva mu Mukono gwa Nnanyini Kyo Eyangooka. Nga kye kyapa ky'obununuzi. Twakizuula ekkyo. Mujjukira omusomo? Kye kyapa eky'obununuzi. Kye kyapa kwe buli era ekiriko okuloondoola okuddayo ku nnanyini eyasooka, ekiraga nti Katonda Yali Abanja bulamu olw'okufa, mu lusuku Adeni. Kati ate, Yesu, Omutukuvu, yafa n'Atwala ekyapa, era n'Abembula envumbo, n'Alaga ebyalimu; n'Awa obusika, obwali obubwe Ye, eri Abantu Be. Obulamu Obutaggwaawo, bwe Yasikira olw'okukola ekkyo, Yawaayo Obulamu Bwe, e Kalivaaliyo, n'Abugabanyamu gye tuli okuyita mu Mwoyo Omutukuvu. Amiina! Teri muntu yenna (teri n'omu) eyali asobodde n'okusobola okufumiitiriza ku kwagala okwo kye kwali, ekkyo kye Yakola!

Setaani, eyaliko nakyo olumu olw'okuba waaliwo okugwa kw'omulusuku, asibwa era n'asuulibwa mu Nnyanja ey'Omuliyo. Ennaku ze ziweddeko.

38 Yesu mu Njiri , Yalina ebitiibwa bina. Twakiraba ekkyo. Mwana wa Dawudi, omusika eri Nnamulondo; Mwana wa Ibulayimu, Ekkirabo ky'Obulangira; Mwana w'Omuntu, omusika w'ensi; Mwana wa Katonda Omusika eri ebintu byonna. Ekkirabo ky'Obulangira!

Mu Ndagaano Enkadde, Obwannanyini ku bintu tebwassukkanga myaka ataano. Tebyaggyibwanga ku bannanyini byo okuggyako ng'emyaka ataano giweze. Ate ku lunaku olw'ana Yatasula omuwendo. Ku lunaku olwa ataano, obununuzi n'amaanyi ebyali eby'ekkanisa, bye yali yafirwa mu lusuku Iwa Adeni, byanunulibwa, ne bituweebwa okuyita mu kubatizibwa kw'Omwoyo Omutukuvu, ku lunaku olw'ataano.

39 Kati olwo twafuna kino, omuzingo. Twalaba emizingo, engeri omuzingo guno bwe gwamuweebwa mu mukono Gwe. Nga ne Yeremiya, mu Yeremiya 32:6, Kanameri, kizibwe we bwe yamulekera obusika. Ate nga baali bagenda mu buwambe. Nga kye tugenda okugendamu, naye, enkyo ya leero: obuwambe. Era kyakuumibwanga mu kibya eky'oku nsi, ekiragira ddala amaanyi ga Katonda, n'emizingo n'ebiyama bya Katonda, gye bimanyibwa mu mutima. Entegeka y'obununuzi bwaffe, nayo nga ekuumibwa mu bibya eby'oku nsi, Erinnya lya Yesu n'okubikkulirwa.

40 Tukizuula nti kino kyali kisibiddwa wamu n'envumbo musanvu, ng'ate buli nvumbo esibiddwa okukyetooloola. Kati okubikkulirwa bwe kwajja, ng'Asumululako envumbo eyo, n'Azingulula kino era

n'Asoma kiki Envumbo kya yali eyogera. Ate era n'Azingulula omuzingo oguddako, n'Asoma kiki Envumbo eyo kye yali eyogera. N'Azingulula eddako, n'agujjayo, okulaga kiki Envumbo kye yali eyogera, era okubikkulirwa kye kwali. Ezo zennyini z'Envumbo Omusanvu, kye tugenda okulaba mu bbanga eritali lya wala, tukakasa, nti kijja kumala. Buli nvumbo, bw'eneeba eggiddwa ku Kitabo, kijja kuzingululwa, era kijja kulagira ddala kiki ekyaliwo.

Tukizuula nti waliwo "omusanvu," omuwendo gwe ttaano mu ntegeka y'obununuizi. Ttaano gwe muwendo. Kati era waliwo ebintu musanvu bya mirundi etaano; Envumbo omusanvu, Emyoyo Musanvu, Bamalayika Musanvu, Amakondeere Musanvu, n'emirembe omusanvu egy'ekkanisa. Kale mukiraba, ebintu ebyo omusanvu eby'emirundi etaano kye kisa. Ttaano kitegeeza kisa, ate musanvu kitegeeza kutuukirira. Bwe kityo bwe kitambulira ddala obulungi, mulaba. Kale.

41 Buli Nvumbo Iw'ebembulwa mu Kigambo kya Katonda, ebikkulira eri omusajja w'omulembe ogwo, omulembe gwe tulimu, omwoyo ogukolera mu mulembe ogwo, era n'ekkanisa y'omulembe ogwo. Kubikkulirwa 10, ku nkomerero, tukizuula nti envumbo esembayo bwe yabembulwa, tusanga Malayika Ayimiridde n'ekigere ekimu ku nsi, n'ekirala ku nnyanja, ng'Awanise emikono Gye eri Eggulu, ng'Alina ne musoke ku mutwe Gwe, n'Alayira Oli aba omulamu emirembe n'emirembe nti tewali kiseera nate, ku Nvumbo esembayo. Era mulinde lwe tunaagenda mu Nvumbo ezo tulabe wa Envumbo eyo weeri.

Ng'omaze okuzuula wiiki ensanvu, olwo olaba wa Envumbo we ziri, "Obudde buweddey," obununuizi bukomye, Ye ye Mpologoma kati era Omulamuzi. Ye Mulokozi wo amakya ga leero, naye olunaku olumu Ajja kuba Mulamuzi wo.

42 Olw'omunaana okutuuka ku lusooka...olw'ekkumi ne nnya olw'essuula ey'okutaano, zibikkula ekiseera Omwana gw'Endiga lwe bamusinza, wonna mu Ggulu ne mu nsi; Ekitabo ekyasibwa envumbo omusanvu, Omwana gw'Endiga Asaanidde, Omununuzi Ow'omu Lulyo. Era okuva ku lunyiriri olw'omunaana, okutuuka ku Iw'ekkumi ne nnya, Bamalayika nga Bamusinza, abakadde nga bamusinza, ebitonde ebiramnu nga bimusinza. Era ne Yokaana yamusinza nnyo okutuusa bwe yagamba nti, "Buli kitonde ekiri mu ggulu, ne ku nsi, ne wansi w'ensi, byampulira nga njogera nti 'Omukisa, ekitiibwa, n'amaanyi, n'amagezi gonna bibe eri Omwana gw'endiga." Ekiseera ky'okusinza Kabaka Omwana gw'Endiga."

43 Kati, nga ekklesia yagenda dda, mujjukire ekkyo. Kaakano leka tuddeko mu Danyeri, era mu ssuula ey'omwenda, ennyiriri okuva ku lusooka okutuuka ku Iw'okusatu. Era tujja kusoma n'ennyiriri olw'abiri okutuusa ku Iw'abiri mu musanvu, kubanga eno ssaala ya Danyeri kyokka. Njagala mukisome kino nga mukiddinjana, okuyita mu wiiki, kati, okutuusa nga mukitegedde bulungi.

Mu mwaka ogw'olubereberye ogwa Daliyo omwana wa Akaswero, ow'ezzadde ery'Abameedi, eyalya obwakabaka obw'Abakaludaaya;

Mu mwaka ogw'olubereberye mu mirembe gye nze Danyeri ebitabo ne bintegeeza omuwendo gw'emyaka, Yeremiya nnabbi gye yajjirwako ekigambo kya Mukama, okutuukiriza Yerusaalemi okuzika, gye myaka ensanvu.

Kaakati(ekiddako)

Ne nteeka amaso gange eri Mukama Katonda, okunoonya nga nsaba era nga nneegayirira, nga nsiiba enjala era nga nnyambala ebibukutu n'evvu.

...Ne nsaba Mukama Katonda wange, ne njatula, ne njogera nti,...

Awo ne yeeyongerayo bwatyo, okutuusa nga tuli ku lunyiriri olw'abiri.

44 Okulokola obudde, ku Iw'abantu abayimiridde, njagala mugende ku Iw'abiri, okutuusa nga tuli ku-ku lunyiriri olw'abiri.

Awo bwe nnali njogera, era nge nsaba, era nge njatula okwonoona kwange n'okwonoona kw'abantu bange Isiraeri, era nge ndeeta okwegayirira kwange mu maaso ga MUKAMA Katonda wange olw'olusozi olutukuvu olwa Katonda wange;

Weewaawo, bwe nnali njogera mu kusaba, omusajja Gabulyeri, gwe nnalaba mu ebyo bye nnayolesebwa olubereberye, n'abuusibwa mangu, n'ankomako nga mu kiseera ekya ssaddaaka ey'akawungeezi.

N'anjigiriza, n'ayogera nange, n'agamba nti Ggwe Danyeri, kaakano nfulumye okukugeziwaza mu kutegeera.

Watya nga naffe twaliwo awo! Yamuzuula atya? Mu kuyita mu kusaba.

Malayika, "Omusajja." Okyetegerezza, yamuyita, "omusajja." Era olw'okuba...

Bwe nasooka okwegayirira, ekiragiro ne kifuluma, (Ne kifuluma gyali okugenda) nange

nzize okukubuulira: kubanga oli mwagalwa nnyo: kale lowooza ekigambo ekyo, otegeere bye wayolesebwa.

Sabbiiti ensanvu ziragiddwa abantu bo n'ekibuga kyo ekitukuvu,

Oba ekibuga kyo, @@okukomya okwonoona, n'okumalawo okusobya, n'okutabaganya olw'obutali butuukirivu, n'okuyingiza obutuukirivu obutaliggwaawo, n'okussa akabonero ku ebyo ebyayolesebwa ne ku ebyo ebyalangibwa, n'okufuka amafuta ku oyo asinga Obutukuvu.

Ziizo awo ensonga omukaaga ezaamuleeta. Kati mwetegereze.

Kati, olw'ekyo, @@Kale manya otegeerere ddala (Kati muwulirize) @@nga kasooka ekiragiro kifulumu okuzzaawo n'okuzimba Yerusaalemi oktuusa ku oyo afukibwako amafuta, omulangira, walibaawo sabbiiti musanvu: era walibaawo sabbiiti nkaaga mu bbiri, n'ekizimbibwa nate, n'oluguudo n'olusalosalo, newakubadde mu biro eby'okutegana.

Era sabbiiti nkaaga mu bbiri bwe ziriggwa, oyo afukibbwako amafuta n'alyoka azikirizibwa, so taliba na kintu: n'abantu ab'omulangira alijja balizikiriza ekibuga n'awatukuvu: n'enkomerero ye eriba n'amataba, n'okutuusa enkomerero walibaawo entalo: okuzisa kwalagirwa.

Era aliragaana endagaano ennywevu (muwulirize) n'abangi okumala ssabbiiti emu: ne mu kitundu ekya ssabbiiti alikomya ssaddaaka n'ekitone: ne ku kiwaawaatiro eky'ebi'emizizo kulijjirako oyo alizisa: n'okutuusa byonna okutuukirizibwa, okwo kwe kwalagirwa, obusungu bulifikibwa ku oyo azisa.

45 Kaakati, ekyo kye ky'okuyigako kyaffe enkunjaana eziddako nga ssatu, oba nnya, oba ttaano, kyonna Mukama ky'Anaaba Alaze. "Wiiki ensanvu."

Kati nja kusaba Doc, bw'anaaba asobodde, ekiro kya leero, anteerewo olubaawo Iwange awo, nsobole okuluwandiikako. Saagala mukisubwe. Kati mulina okukyekkeneenya awamu nange, era twekkeneenye obuziba bwakyo, sinakindi nga mukisubiddwa. Era njagala okukikuba wano ku lubaawo, awo nammwe mujje n'ekkalaamu zammwe n'empapula era muwandiike ennaku zino, ebiseera bino, ne byonna ebikikwatako.

Kaakati, wiiki ey'ensanvu etandika (kati kino mukifune) luvannyuma Iw'okuggibwawo kw'EKKANISA. Kati, buli muntu yenna akitegeera ekyo, agambe, nti, "Amiina." [Ekibiina kiddamu nti, "Amiina." -Omuk.] Kati, oluvannyuma Iw'okuggibwawo kw'EKKANISA.

46 Okubikkulirwa 6:1, okutuuka ku Okubikkulirwa 19:21, kikwatagana ne wiiki ensanvu, n'Olwekyo tulina okuyimirizaamu awo ne tunnyonnyola nga tetunnaba kweyongerayo. Tulina okuyimirizaamu ne tunnyonnyola Iwaki wiiki zino ensanvu. Kubanga, bw'otookikole, ojja kusubwa Envumbo ezo, osubwe n'Amakondeere ago, osubwe n'Ebibya ebyo, Ebiwoobe ebisatu, Okussuulibwa ebweru kw'ogusota ogumyufu, omukazi mu njuba. Byonna ojja kubisubwa, bw'otookikole, kubanga bibaawo wano wennyini mu wiiki eno ey'ensanvu . Awo we kibeerawo.

47 Kati, nnabbi Danyeri yali amaze emyaka nkaaga mu munaana e Babulooni, mmwe abaagala okujiliza, era muleme okumala obudde bwe bumu, nga bwe nnamaze nga-nга nkinoonyerezaako. Emysaka nkaaga mu munaana! Yagenda mu buwambe ng'ebulayo emyaka 606 okutuuka ku mazaalibwa ga Kristo, era okwoolesebwa yakufuna ng'ebulayo emyaka 538 okutuuka ku mazaalibwa ga Kristo. Wakati wa 538 ne 606 waliwo nkaaga mu munaana. Yali amaze emyaka nkaaga mu munaana e Babulooni, nga ali mu bakaafiiri, naye nga akyali muwangizi. Amiina. Ffe nno tetuyinza na kuyimirira okumala essaawa emu bw'eti.

Naye ate yali abadde wakati mu kyo, nga taliiko munne okuggyako bali abasatu, nga ate nabo baali mu bifio eby'enjawulo mu bwakabaka. Naye Danyeri nga ayimiridde bw'omu ne Katonda, yeekuumira mu buwanguzi okumala emyaka nkaaga mu munaana. Kirowoozeeko! Saagala ate kutandika kubuulira kati, kubanga buno bulina kuba Bubaka obw'okuyigiriza. Naye emyaka nkaaga mu munaana, nga yeekumidde mu buwanguzi nga teyeyonoonye, mu maaso ga Katonda; nga ate talina na kubatizibwa kwa Mwoyo Mutukuvu, nga talina na Musaayi gwa Yesu Kristo okumutakabanira; ng'alina musaayi gwa nte ennume, n'embuzi n'ente enduusi gwokka, ate nga yalina kuguwaayo mu kyama, olw'obulombolombo bw'ekikaafiiri obwali mu ggwanga eryo. Baali batwaliddwa erudda eyo. Yeremiya yali yabalagulako nti baali ba kugendayo eyo.

48 Kaakati, Danyeri, oh, abange, yali atandise okulaba nti obudde busembedde, nga naffe bwe tuli olwaleero. Danyeri yatandika "okutegeera," yakyogera nti, "okuyita mu kusoma ebitabo."

Mu mwaka ogw'olubereberye mu mirembe gya... Danyeri...nze Danyeri ebitabo byantegeesa omuwendo gw'emyaka, bwe kityo... Yeremiya nnabbi gye yajjirwako Ekigambo

kya MUKAMA, okutuukiriza Yerusaalemi okuzika, okumala myaka ensanvu.

Yeremiya, ng'ebulayo emyaka 606 okutuuka ku mazaalibwa ga Kristo, yalagula nti, olw'ebibi byabwe n'obutatya Katonda bwabwe, baali bakumala emyaka nsanvu.

49 Mujjukira nti, waaliwo nnabbi omulala eyajja mu lunaku olwo. Sijjukira linnya lye kati. Nnyinza okulibawa mu-mu ddakiika ntono mu maaso, singa nzirayooko emabega akaseera katono. Naye yajja n'ayogera nti, Yeremiya oli musobu. Katonda Agenda kukuumira Isираeri erudda eyo ennaku ntono, nga bwe ziti, ng'emyaka ebiri gyokka."

Yeremiya n'amuddamu nti, "Kale ka kibe kityo. Amiina." N'ayogera nti, "Naye lindako katono. Ka nze naawe twekebere buli omu munne, nga bannabbi." N'amugamba nti, "Jjukira, wabaddengawo bannabbi abaalagula nga naffe tetunnabaawo, era nga bayogeranga ebintu ebikyamu. Era Katonda yabakolangako olw'obulimba bwe baayogeranga, Kale nno, naffe tukakase bye twogera. Naye Mukama Katonda Ambuulidde nti ekyabulayo emyaka nsanvu."

Katonda Yakuba nnabbi ow'obulimba oyo, n'Atwala n'obulamu bwe omwaka ogwo gwennyini, kubanga Katonda yali Abuulidde nnabbi We omutuufu nti gyali myaka nsanvu.

50 Ate njagala mmwe okukyetegeze nga Danyeri, yadde yali muwanjanguse, yadde baamwawula ku bantu be, nga baamwawula ku kkanisa ye, nga talinaayo n'olukunjaana Iw'okusaba olumu, nga talina na kkanisa ey'okugendamu, nga talinayo na nnyimba ez'okuyimbira awamu okuggyako ze yayimbanga yekka, nga ali mu ebyo byonna, yasigala munywevu ku ekyo nnabbi oyo kye yayogera. Amiina! Amiina!

Nga talina kkanisa ya kugendamu, nga talina muntu wa kukunjaanira awamu naye; nga buli omu agenda mu yeekaalu z'ekikaafiiri, buli omu nga ali mu kusinza bakatonda be. Nga tewali nnyimba z'Ekikristaayo; nga tewali akkiriza ekyo kye yali akkiriza. Era mu myaka nkaaga mu munaana, okuva ku mulenzi ow'emyaka kkumi n'ebiri, oba nga kkumi n'ena, Iwe yatwalibwa okugendayo, yanywerera mu bwesigwa eri Katonda; era n'ategeera okusinziira ku bunnabbi bwa Yeremiya nti ennaku zaali zinaatera okukutuukirira.

Nga ekyo kirina okulabula omutima gwa nnabbi wa Katonda omutuufu yenna owa leero, nti naffe tutunula emabega ne tulaba nnabbi ono omutuufu kye yayogera, ne tumanya nti tuli mu kiseera eky'enkomerero.

Yayogera nti, "Nnategeera nga nsinzidde mu bitabo bya Yeremiya, muganda wange, eyalagula, emyaka mingi, nnyo ddala egiyise, nti Isираeri baali baakumalayo emyaka nsanvu. Era ekiseera ekyo kinaatera okutuukirira." Yeeteekateeka. N'agenda mu kusiiba, ne yeetukuza, era bwe...evvu n'ebibukutu, n'abyesaako ku mmutwe gwe, n'agenda mu kusiiba n'okusaba, okutegeera eby'olunaku Iwe baalimu.

51 Kati oba nga ne Danyeri, nnabbi wa Mukama oyo, yeebuuza ku bitabo bya Yeremiya, ne bimussa mu mbeera nti; ne Isираeri nga avaayo, bona nga balamu, nga bava e Babulooni, okuddayo ku butaka bwabwe, kyamuwaliriza okusiiba ng'ayambadde n'ebibukutu n'okwesiiga evvu. Kigwanidde kukola kitya okusingawo Ekkansa ya Katonda, okumanya nti obudde buyise era buweddeyo; era nga n'Okujja kwa Mukama Yesu Kristo, n'ekiseera ky'Emyaka Olukumi bituuse! Tuyinza tutya okumalira obudde mu bintu ebitaliimu ng'okukuba zzaala, okugenda ku Ssande mu bidiba mwe bawugira, nga teri budde bwa Mukama? Kubungeeta bubungeesi...Omusumba bw'ayogera ku kintu kyonna ekitakusanyusa, ng'osituka n'ofuluma. Ate ekkansa bw'erwawo okumaliriza, kale, ng'olwo o-ojja kunyiiga. Mulabe embeera gye tulimu. Mulabe ffe bye tukola.

Mugerageranye obulamu bwaffe n'obwa nnabbi oyo. Omusaja omu bw'ati, mu Bwakabaka obulamba, nga talina kkanisa ya kugendamu, nga talina walala aw'okugenda. Byali byasuulibwa wansi ne byookebwa; ekibuga kye, abantu be baali bawambe. Emysaka nkaaga mu munaana! Nkaaga mu munaana, Nkaaga mu mwenda, Nsanvu; Yali akyabuzaayo emyaka ebiri gyokka.

52 Bw'aty oyo bwe yatandika okusoma mu kitabo n'alaba nti ekiseera kyali kisembedde okutuukiriza, okutuukirira, yagenda eri Katonda mu kusaba, okukinoonyerezaako. Nga kiseera kikulu! Tukozeewo ki? Nga, "Amawanga gasasika; ennyanja ziwuuma; emitima gy'abantu nga gityemuse olw'okutya; nga basobedda olw'ebiseera." Ebintu bino byonna, omukono nga guwandiikkidwa ku kisenge. Okuggwaamu okw'empisa mu mawanga; obubi obwa buli kika nga bugenda mu maaso mu nsi; okuneneñjana, okulwanagana, ebikolwa eby'obunyivu ennyo. Ate nga n'ebiyokulwanyisa eby'amaanyi biri bulindaala, nti n'akawanga akatono nga Cuba erudda wano kayinza okuzikiriza ensi yonna mu ddakiika kkumi. Ate nga bali mu kuneneñjana, abasajja abatanya Katonda era abatamanyi Katonda ng'era tebamanyi maanyi Ge.

Ate nga Omwoyo Omutukuvu mu Kkanisa, Akolera mu Balonde, nga Yeeraga nga Bw'Ali Omulamu oluvannyuma Iw'emyaka enkumi bbiri, nti y'Om u jjo, leero, n'emirembe gyonna. Tuyinza tutya okuba abagayaavu? Tuyinza tutya okukiragajjalira? Kye kiseera we twandykeberedde, nga tulindirira okujja kw'ekiseera ekyo ekikulu ekisembedde.

53 Kati, yasoma mu Yeremiya, essuula ey'abiri mu ettaano. Leka tuddeko mu Yeremiya, essuula ey'abiri mu ettaano, tusome ku ekyo Yeremiya kye yayogera. Kati nno, leka tutandikire ku lunyiriri olw'omunaana, kubanga lwe lwo...njagala nammwe mukakakase nti mukifunye. Olunyiriri olw'ekkumi n'olumu lwe nnabadde nnambyeko wano okusoma, naye ka tutandikire ku lunyiriri olw'omunaana.

N'olwekyo bw'Ati bw'Ayogera MUKAMA Ow'eggye;...

Nkyagalira ddala nnyo ekyo. Bwe mupulira nnabbi asituka ng'ayogera BW'ATI BW'AYOGERA MUKAMA KATONDA, Ow'oluganda, Kiba kye Kyo! Ekyo, kimala, gyendi. Ky'ekyo.

...bw'Ati bw'Ayogera MUKAMA Ow'eggye nti; Kubanga temuwulidde bigambo byange,

Laba, ndituma ne nzirira ebika byonna eby'obukiika obwa kkono, bw'Ayogera MUKAMA, era nditumira Nebukadduneesa kabaka w'e Babulooni omuddu wange, ne mbaleeta okutabaala ensi eno n'abo abali omwo n'amawanga gano gonna ageetoolodde; era ndibazikiririza ddala...

Mujjukire nti, abo baali abalonde ba Katonda be Yali Ayogerako.

Tebaali bakaafiiri. Baali ba mmemba ba kkanisa.

Era nate ndibaggyako eddoboozi ery'okusanyuka...n'eddoboozi ery'okujaguza, (nga bwe kiri olwa leero, byonna bya rock-and-roll, Ricky ne Elvis,) ate, oh, eddoboozi ly'Awasa omugole n'eddoboozi ly'ekinnyonyi... manyanga, omugole, okuvuga kw'olubengo...n'okwaka kw'ettabaaza.

N'ensi eno yonna eriba matongo,...

Muwulira nnabbi oyo ng'ayogerera waggulu nti, "Ensi eno yonna eriba matongo! Ate nga sigeezaako kugeegeenya muweereza wa KATONDA oyo, naye ndagula nti eggwanga lino lyonna lija kufuuka matongo. Katonda Ajja kubonereza eggwanga lino olw'ebibi byalyo. Katonda bw'Aba teyayinza kusonyiwa Isiraeri, Omulonde We, Ezzadde lya Ibulayimu, be Yakola n'abo endagaano n'ekisuubizo, bw'Aba teyabaleka kweyalira mu kukola ebikyamu; wadde nga baali bannaddiini ekisusse, abaalina amakanisa ag'amaanyi, ne bakabona, ne ba labbi; naye olw'obugwenyufu n'obugwagwa bwe baalina, Katonda Yabakunguza bye baali baasiga, naffe bwe tutyo tujja

Olunyiriri olw'ekkumi n'olumu:

...ensi eno yonna eriba matongo, era ekyewuunyo;...

Kwe kuba nti, buli muntu alitunula n'agamba nti, "Baabo awo. Baaliko ab'amaanyi. Balabe kati."

...n'amawanga gano galiweererezza kabaka w'e Babulooni emyaka nsanvu.

Ezo ze nnaku omuntu z'amala ku nsi nga mulamu. Awo maama wo gw'olaba ng'akkaddiye lwe yali omwana omuwere. Baali eyo nga tebalina Katonda, nga tebalina kkanisa, nga tebalina luyimba, nga tebalina kintu kyonna, okumala omulembe omulamba, okutuusa omugigi gw'aboonoonyi abo lwe gwafa ne baggwaawo.

Awo olulituuka emyaka ensanvu bwe girituukirira, ne ndyoka mbonereza kabaka w'e Babulooni n'eggwanga eryo, bw'ayogera Mukama, olw'obutali butuukirivu bwabwe, n'ensi ey'Abakaludaaya, era Ndigiula amatongo ennaku zonna.

Era ndireeta ku nsi eyo ebigambo byange byonna bye tunaagyogerako, byonna ebyawandiikibwa mu kitabo kino Yeremiya kye yalagula eri amawanga gonna.

Kubanga amawanga mangi ne bakabaka abakulu abalibafuula abaddu, abo be balifuula abaddu: era ndibasasula ng'ebikolwa byabwe bwe biri era ng'omulimu ogw'emikono gyabwe bwe guili.

Kubanga bw'ati MUKAMA Katonda wa Isiraeri bw'anjambar nti Toola ekikompe eky'omwenge ogw'ekiruyi kino mu mukono gwange, okinyweseeko amawanga gonna gye nkutuma.

Ekitegeeza yali agamba nti, "Yeremiya, Nkuwadde obubaka buno. Tobutuulira. Tosigala mu kifo kimu, naye lagula eri amawanga gonna." Mugoberera? [Ekibiina kiddamu nti, "Amiina." -Omuk.] "Lagula eri eggwanga lyonna. Balage obubonero Bwange n'ebiyewuunyo, era obamanyise nti kino nzija kukikola."

Kale balinywa, ne baseeseetuka, ne balaluka, olw'ekigambo kye ndiweereza mu bo.

54 Bakola ki mulunaku luno lwennyini? Bakuyita na-nnabbi ow'obulimba, ne bakuyita e-eyekkiranya, bakuyita oyo- oyo ayitiriza, oyo eyeelaguzalaguza, oba ssekalootera, oba oyo ateebereza eby'obwongo. "Baliba bazooke!" Era ekigambo ekyo, obuzooke, bw'onoonya amakulu gaakyo, kitegeeza "bulalu." "Mazima

ddala baligwa eddal, ne boogera nti, 'Ah, temumuwliriza oyo omutukuvu eyeevlungula, eby'obutaliimu ebyo,' olw'Ekigambo kya Ndituma gye bali."

55 Mulaba ebyafaayo nga biddamu okweyoleka? Yeremiya yali tasobola kukkiriziganya n'Abaafalisaayo baabwe, n'Abasaddukaayo, Abakerodiyani, ne kyonna kye baali. Ye, Yayogera bwogezi Kigambo, ne kibaluma era bona ne bamutabukira. Kiki? Genderera kati.

Awo ne ntoola ekikompe mu mukono gwa MUKAMA, ne nnywesa amawanga gonna,...

Yeremiya teyasigala waka. Teyabeera bubeesi awantu awamu, wabula yanywesa amawanga gonna ekikompe ekyo.

... eyo MUKAMA gye yantuma:

56 Yeremiya yatwala Ekigambo kya Katonda, envinnyo y'Ekigambo Kye. Era envinnyo ge maanyi g'Ekigambo Kye. Envinnnyo erina amaanyi. Envinnnyo etamiiza. Envinnnyo erina amaanyi emabega waayo. "Era nnatwala Ekigambo kya Mukama," Yeremiya nga Ayogera, "n'enkyoleka gye bali. Envinnnyo, amaanyi g'erina, nnagakozesa gye bali, ne bagaana okubiwulira."

Katonda n'Ayogera nti, "Kati nno Nnjenda kubasindika e Babulooni bamaleyo emyaka nsanvu." Era ekyo kyennyini kye Yakola. Abatuukirivu n'abatali batuukirivu baagendera wamu, bona.

57 Kati, nga tuddayo ku ky'okuyigako. Danyeri yali amaze ekiseera ng'asoma. Mukirowoozeeko, Danyeri yasoma ebigambo by'ebimu bye tusoma amakya g'olwaleero. Danyeri yasoma Bayibuli y'emu, ennukuta n'empandiika y'ebigambo y'emu, ebigambo bye bimu, ebintu by'ebimu ddala, bye ngenda, okubasomera mu Bubaka obunnaddako gye bujja, Katonda nga Anyambye, ekintu ky'ekimu, okubalaga nti tuli mu kiseera ky'enkomerero.

Era Danyeri, nga aggye Ekigambo ku Yeremiya, yagenda e Babulooni. Kati nno ye yali nnabbi eyafukibwako amafuta. N'akola ebyamagero, n'obubonero, ng'asobola n'okuvvuunula enni ezitamanyiddwa, n'akola obubonero n'ebywewuunyo. Kale ate, ng'ali bw'omu, ku bubwe yekka! Amiina! Yayimirira yekka.

58 Naye Yeremiya yali yawandiika Ebigambo bino emyaka mingi, nnyo ddala emabega. Era Danyeri mu kuvvuunula Ekigambo, yakwata..."Kati, lindako katono. Tutuuse ku kiseera eky'enkomerero, kubanga wano mmazeewo emyaka nkaaga mu munaana. Ate nga nnabbi wa Katonda," amiina, "muganda wange, nnabbi wa Katonda omutuufu eyakakasa okuba nnabbi, yalagula gye tuli. Nkirina mu buwandiike wano mu kitabo, ekyayogera nti, 'emyaka nsanvu gye gjija okumala okuyitawo.' Ai Mukama Katonda, tutuuse ku nkomerero. Omugigi ogwo gwonna gufudde ne guggwaawo. Onookolaki kaakano, Mukama? Watusuubiza okututumira..." Bw'atyo ne yeeteekateeka okugenda mu kusaba.

59 Ai Katonda, bwe waba nga waali wabaddewo ekiseera kye tulina okwetereeza, tuyingire mu kusaba , kye kino kati. Kubanga ffe ng'abaweereza Be abatuufu, tulaba, nga tusinziira mu Bbaluwa z'omutume, n'okulabula okw'Omwoyo Omutukuvu, nti tuli mu lunaku olusemba. Omwoyo Omutukuvu Akyogera. "Mu nnaku ez'oluvannyuma, abantu baliba bakakanyavu, abeegulumiza, abaagala eby'amassanyu okusinga Katonda, abammenyi b'endagaano, abawayiriza, abateekuuma, era abanyoomi b'abo abalungi." Kimbikkuliddwa okuyita mu Bbaluwa.

60 Era ntegedde nti walija abasekerezi, mu nnaku ez'oluvannyuma. Ntegedde nti walibaawo eggwanga eriritabaala eggwanga eddala, mu nnaku ez'oluvannyuma. Ntegedde nti walibaawo okwekuluumulula n'okutumbiira kw'enyanja, mu nnaku ez'oluvannyuma. Ntegedde nti walibaawo okulaba eby'entiisa bingi, ng'ebibuuksira mu bbanga ebitamanyiddwa, mu ggulu, ebitategeerekeka nga birabwa ku nsi, abantu nga bazirika olw'okutya okungi. Walibaawo n'okusamaalirira mu biseera, n'enyyiike mu bantu. Nkisoma nti bona bajja kugenda mu bibiina ebirala byonna n'ebibiina by'amadiini, era bafune ekibiina ekibagatta, mu nnaku ez'oluvannyuma. Ntegedde nti abakazi balisalako enviiri zaabwe mu nnaku ez'oluvannyuma. Ntegedde nti balyambala obugoye obumpi, era batambulire mu ngatto ez'obukondo obuwanvu, nga buvuga bwe bagenda, mu nnaku ez'oluvannyuma. Ntegedde nti essuubi liriggwaawo mu bantu mu nnaku ez'oluvannyuma. Ntegedde nti ababuulizi b'enjiri balibeera abasumba abakyamu mu nnaku ez'oluvannyuma, era baliba abekkiranya, nga tebalisa bantu Kigambo kya Katonda, wabula nga bawondera bikwate n'ebirala ng'ebyo. So ng'ate ntegedde nti wajja kubaawo Eddoboozi mu nnaku ez'oluvannyuma, nga lyogerera waggulu mu ddungu, nga liyita abantu okuddayo ku Bubaka obwasooka, okuddayo eri ebintu bya Katonda. Nkitegedde, okuyita mu Kitabo, nti ebintu ebyo bijja kutuukirira.

61 Ntegedde nti mu nnaku ez'oluvannyuma walibaawo enjala. Amakanisa galibeera beekozeemu ebibiina, nga bakakanyavu ne byonna, okutuusa nga mu nnaku ez'oluvannyuma wajja kubaawo enjala, eteebeere ya mmere n'amazzi ag'obuliwo byokka, naye olw'okuyayaanira okuwulira Ekigambo kya Katonda ekituufu. Era abantu baliva ebuvanjuba, n'ebugwanjuba, mu bukiika obwa kkono, n'ebukiika obwa ddyo, nga banonya okuwulira Ekigambo kya Katonda ekituufu. Wabula go amakanisa galiba geekozeemu ebibiina, nga bakakanyavu, okutuusa bwe banaalemererwa okukiwulira. Nkitegedde ekyo okuyita mu Bitabo. Naye

ate, mu lunaku olwo, Ai Katonda, wajja kubaawo Ettabi erisituka okuva mu Dawudi

Ntegedde nti Alitura Eriya nnabbi nga olunaku olwo terunnaba kutuuka mu kiseera eky'enkomerero, era alireeta Obubaka obulikyuusa emitima gy'abaana okuddayo eri bakitaabwe, okubazzaayo ku musingi, okuddayo nate ku nkomerero, okukiddamu. Ntegedde nti ekyo kirituukirira nga Omwoyo Anaatera okuva mu kkanisa y'Ab'amawanga, Addeyo eri Abayudaaya.

62 Wabula sikitgedde kuva mu Bbaluwa yokka. Nkitegedde n'okuva mu Kigambo, okuva mu Kigambo ekiwandiike, nti Isiraeri ajja kuddayo ku butaka bwe, ate nga kati mmulaba ayingirayo.

Ntegedde okuyita mu Bbaluwa, z'abannabbi, nti Isiraeri aliddamu okubeera eggwanga mu butongole. Bajja kuzzaawo okusinza kw'omu Yeekaalu. Katonda Agenda kuddamu okukolagana nabo bwe banaaba bakomyewo ku butaka. Oh! Bannabbi babiri balisituka mu nnaku ez'oluvannyuma, nabo. Nkitegedde ekyo. Amangu ddala nga Ekkanisa y'Ab'amawanga eggiddwaho, bannabbi babiri balijja, Eriya ne Musa, eri Isiraeri. Tuja kukiraba nga bwe tugenda mu maaso.

Nnabbi yalaba ekiseera nga kinaatera okutuuka erudda eyo mu Babulooni. Kale.

63 Gabulyeri, teyalabisibwa kumubikkulira ekyo kyokka kye yali asabira, naye yajja n'okumubuulira ebyo byonna ebyali bitegekeddwa okubaawo eri oluse Iw'Abayudaaya mu mirembe egijja, okutuukira ddala ku nkomerero ya byonna. Amiina! Yasaba afuneko katono, n'aweebwa kyonna mu bujjuvu. Yasaba kumanya...

Danyeri yali agezaako kumanya, "Ebulayo kyenkana wa, Mukama, kaakano? Yeremiya nnabbi, Omuweereza Wo, muganda wange, yalagula emyaka nkaaga mu munaana egiyise, ng'ayogera nti, 'Abantu bano bajja kumala wano emyaka nsanvu.' Omugigi gwabwe gwonna guweddeko kaakano."

64 Waliwo omugigi gw'Abapentekoote ogwasituka, emyaka ana egiyise. "Abalwanyi ab'edda" nga bwe baabayitanga. Beekolamu dda ekibiina, ne balwana, nga baneneejana, wonna okuyita mu nsozi Kolebu ne Nebo, okuyita eyo yonna. Naye, ku nkomerero ya byonna, tutuuse ku mugga kati. Agenda kusitulayo omugigi omulala omupya, nga balina Yoswa anaabasomosa. Amateeka gaalemererwa; Musa yagenda nago; Musa yalemererwa. Yoswa n'abasomosa. Tukizuala nti ebibiina ebyo biremereddwa, naye Omwoyo wa Katonda ...Yoswa, ekigambo Yoswa, kitegeezza "Yesu Omulokozi waffe." Omwoyo wa Katonda Ajja kujja mu Kkanisa. Si mu kibiina, naye Omwoyo Omutukuvu Ajja kukka ku bantu abateeketeke Okusitulibwa, okusomoka Yoludaani. Nkitegeera okuyita mu kusoma Ekitabo nti ebyo by'ebigenda okubaawo. Era Katonda Akimanyi nti ekyo kye nnoonya kaakano, nsobole okuzzaamu abantu Be amaanyi era mbabuulire ekigenda mu maaso, eri bombiri, abali wano amakya g'olwa leero n'abo abali eyo mu nsi ezeewala entambi zino gye ziribuna, eyo mu nsi yonna, nti tuli ku nkomerero y'ebiseera.

65 Yabikula byonna ebyali bigenda okubaawo okutuukira ddala ku kuzzibwaawo kw'Obwakabaka nga n'Emyaka Olukumi gitandise. Obwo bwe bwali obubaka bwa Gabulyeri. Yamugamba nti, "Nzize okukutegeeza nti waliwo emyaka nsanvu, wiiki nsanvu, ezirina okutuukirira, zitegekeddwa eri abantu bo, nga zitegekeddwa okutuusa ku nkomerero y'omulembe gw'Abayudaaya. Waliwo wiiki nsanvu." Kati mwetegereze kye Yayogera. Nti okuva ku kulangirira okw'okuzzibwawo...

Sabbiiti ensanvu ziragiddwa eri abantu bo n'ekibuga kyo...

"Ekibuga kyo." Babulooni si kye kyali ekibuga kye. Ani... Ekibuga kye kyali wa? Yerusaalemi.

66 Kaakati, bwe tunaatuuka ku-ku musanvu, oba kale obukakafu obw'emirundi omukaaga, tuja kulaba ekibuga ekyo kye ki, era tukiwanuleyo era tukakase ani oyo, eyakitandika, ne gye kyava. Kiriyimiria kumala bbanga ki? Kiriddibwamu okuzimbibwa? Mu kiseera Ki? Oh, Ebintu eby'ekitalo bitulindiridde eyo gye bujja. Kale.

Sabbiiti ensanvu ziragiddwa abantu bo n'ekibuga kyo,... okukomya okusobya,...

Kaakati, Teyagamba nti, "Danyeri..." Era Alina okuba nga yamugamba nti wiiki ensanvu zaali... manyanga, emyaka ensanvu gyali ginaatera okuggwaako. Enkaaga mu munaana, gyali gibulako ebiri gyokka. Ate tukizuala nti obunnabbi bwa Yeremiya bwatuukirira ddala butereevu. Oluvannyuma Iw'emyaka ebiri, baavaayo. Nekkemiya yagenda n'afuna ekiragiyo okuva ewa kabaka, n'azimba ekisenge mu kiseera ekizibu ennyo. Baakolera ddala. Yayogera nti, "Ekisenge..." Muwulirize kino.

...okukomya okusobya,...okumalawo okwonoona,...

"Okumalawo okwonoona." Eri ani? Abayudaaya. "Zitegekeddwa eri abantu bo," si eri Ab'amawanga. "Eri abantu bo," Abayudaaya. "Era ekibuga kyo," Si New York, Si Boston, Philadelphia, Chicago, Los Angeles, Rooma. "Naye, ku kibuga kyo." Yerusaalemi.

...okukomya okusobya,...okumalawo okwonoona,... n'okutabaganya olw'obutali butuukirivu, n'okuyingiza obutuukirivu obutaliggwaawo, n'okussa akabonero ku ebyo

*ebayolesebwa ne ku ebyo ebyalangibwa, n'okufuka amafuta ku oyo asinga obutukuvu.
(Genderera!)*

*Kale manya era otegeerere ddala nga kasooka ekiragiro kifulumu okuzzaawo n'okuzimba
Yerusaalemi (nga kye kyali ekibuga kye) okutuusa ku oyo afukibwako amafuta, omulangira,
walibaawo sabbiiti musanvu (ku nsanvu ziri)*

67 Mulindeeko okutuusa lwe tunaakituukako ekyo! Oh, Owange! Ogwo gwe mukisa gwe...□□enda kwefunirayo omugwa era nneesibire awo.

Yakimubukkulira okukimalirayo ddala kyonna, yamugamba nti, "Sigenda kukubuilira kino kyokka nti emyaka egzo ebiri ginaatera, gigenda kuggwa, kukomekkerezebwa." Ate ffenna tukimanyi nti baabeerayo emyaka nsanvu, ne-ne bavaayo, ddala nga nnabbi bwe yayogera. Era Isaaya, ntegeeza... Danyeri yakiriza nnabbi oyo, era bw'atyo n'abeera awo, nga yeetegese. Kale. Era ye...

Kati olwo, Gabulyeri olwajja, Yamugamba nti, "Nzize okukulaga byonna ebinaabaawo, okukubikkulira ebintu bino, okutuukirira kwa byonna okutuuka ku nkomerero." Mulaba? Laba.

... Eky'omuzizo ajja kukisaanyaawo, okutuusa ku nkomerero ya byonna,...

Okukomekkerezebwa kitegeeza "enkomerero ya byonna."

68 "Njenda kukulaga ebigenda okubaawo." Kaakati Muwulirize. Mukifune! "Nze...Daniel, Ntumiddwa gyoli. Oli mwagalwa mu Ggulu. Nga nnawulira essaala yo, era kati Nzize okukutegeeza ekyategekebwa eri Abayudaaya ne Yerusaalemi, okuva kati okutuusa enkomerero ya byonna, ebintu byonna."

Kaakati, mukitegeera ekyo, mmwe ekibiina? Singa tusobola okuzuula kiki wiiki zino ensanvu kye ziri, tujja kuba nga tumanyi ddi enkomerero ya byonna lwe liba. Oh, owange! Katonda Atuyambe okuzitegeera. Zitubuilira ddala ekibaawo mu kifo ekimu mu mpapula zino, okuva mu kiseera ekyo okutuusa kati, n'okutuuka ku nkomerero ya byonna, nga temuli kusobia kwonna. Nga Ekigambo kya Katonda ekikulu...

69 Katonda bwe Yatonda ensi n'Agiteeka mu bwengula. Era nga bwe nnali mbuulira ekiro kya luli, ku Ssande ekiro, nga bwe watali kitatambula bulungi. Kale, ensi eno yeebulungulira mu kutuukirira okwannamaddala okutuusa nga n'abantu bakubuilira butereevu ddi enjuba n'omwezi lwe binaayitawo, mu myaka abiri okuva n'olwaleero, n'eddakiika mmeka ezinaaba zaakayita. Nze sisobola kukubuilira, ne bwemba nkozesu kiteebereza budde kifaanana kitya mu nsi eno; kijja kusuula eddakiika bbiri oba ssatu buli mwezi, oboolyawo kigatteko eddakiika bbiri oba ssatu, ng'ate kye kisingayo obulungi ku byonna bye tulina. Tetusobola kukola kituukiride ng'ekyo. Kubanga, waliwo kimu kyokka ekituukiride, era ng'Oyo Ye Katonda. Ate nga Katonda y'Omú ne Kigambo Kye, n'olwekyo Ekigambo kya Katonda nakyo Kituukiride.

Era bwe tutegeera ennaku zino, tujja kumanya butereevu ddi enkomerero ya byonna Iw'eliba. Mukitegedde? [Ekibiina kiddamu nti, "Amiina." -Omuk.] "Kyategekebwa okutuusa ku nkomerero ya byonna." Olunyiriri olw'abiri mu nnya, "abantu bo n'ekibuga kyo ekitukuvu," nga kye Yerusaalemi. Nnina Iw'abiri mu emu...Iw'abiri mu nnya wano. Yesu yajuliza ku kyo mu Matayo 24.

70 Kati, Ow'oluganda Collins, bw'aba ng'ali wano amakya g'olwa leero, simanyi oba nga w'ali oba taliwoo. Mu bibuuzzo by'ekiro kya luli, yabuza ekibuuzzo. (Leka nsuubire nti tewali buzibzu bwonna bwe nkyogerako ekyo, Ow'oluganda Collins.) Kyali ku, "Ekyomuzizo ekireeta okuzikirira, 'mulaba, kye kyali kitegeeza?"

Yesu Yakyogerako, mu Matayo essuula ey'abiri mu ennya, era tukiraba. Weewaawo, Matayo 24:15.

Kati leka ndufune mangu ddala, musobole okulaba ekyo, nti Yesu Yayogera ku kintu ky'ekimu wano, nga Ajuliza Danyeri. Matayo 24:15, eri mmwe abawandiika. Njagala, buli omu kati, nnaddala ekiro kya leero era-era ne ku Ssande ejja, muleete ekkalaamu n'empapula zammwe, kubanga tujja... okuggyako ng'olina olutambi. Abiri mu nnya, olunyiriri olw'ekkumi ne ttaano, "Kale bwe mutyo..."

Kale bwe muliraba eky'omuzizo ekizikiriza, Danyeri nnabbi kye yayogerako,...

Mukirowoozeko! Gino giri emyaka bina mu kinaana mu esatu, ena, etaano, emyaka kinaana mu mukaaga emabega. Emysaka bina mu kinaana mu mukaaga emabega.

... Danyeri nnabbi, ng'ayimiridde mu kifo ekitukuvu,...

Kati mutunule mu Baibuli zammwe. Kiwandiikkidwa mu ngeri eyongera okukinnyonnyolako.

...(asomamu ategeere:)

71 Kaakati, nga Ayogera eri Bayudaaya. Nga baagala okumanya, "Biki ebiri ku Yeekaalu eno? Ddi Iw'erizikirizibwa? Ddi Iw'eriddibwamu okuzimbibwa? Ddi Iwe kiriba nti tewaabewo jjinja ku linnaalyo? Kiribaawo kumala bbanga ki?"

N'Abagamba nti, " Bwe muliraba 'eky'omuzizo ekizikiriza, nga kiri we..." Danyeri, 'yayimirira mu kifo ekitukuvu.'" n'Agamba nti, " bwe muliraba nga kino kituukirira, kati leka oyo asomamu ategere kiki ky'ayogerako."

Eyo y'ensonga Iwaki tusaba Katonda, okukikola ekyo nga kituukiride ddala, waleme okubaawo okubuuasabuusa kwonna. Kubanga tetuteekeddwa okussa okuvvuunula kwaffe ku bintu ebyo. Birina kujira mu BW'ATYO BW'AYOGERA MUKAMA mwokka. Kale nno, leka nkikomye awo okutuusa nga nkitegedde bulungi.

72 Yamubikkulira byonna, n'ekyo "ekyomuzizo." Era, mujjukire nti, kirina amakulu agawerako, nga eky'okulabirako nti, "Nnayita omwana wange okuva mu Misiri." Nga Isiraeri bwe yayitibwa okuvaayo; bw'Atyo ne Yesu, Omwana We, bwe Yayitibwa okuvaayo. Era kijja kutuukirira butereevo, mazima ddala nga bwe nnyimiridde wano. Era Yakikola mu ngeri nti, Abadde byonna Abikwese, nga byonna bikwekeddwa eri Ekkanisa. Oh bwe tunaatuuka ku ekyo, ku kutegeera okw'emirundi omukaaga, nga byonna bw'Abadde Abikwese eri Ekkanisa; kibeere nti Ekkanisa erina kuba bulindaala buli ddakiika, nga tebamanyi ddi Iw'Alija. Naye ate kati omulembe gw'Ekkanisa gunaatera okukoma, kale erindiridde Okujja Kwe kati, eri mu kweteekateeka.

73 Kino ky'ekimu ku Byawandiikibwa ebisingayo obukulu mu Kitabo. Kikola ki? Kyogera ku kukomekkereza kw'eggwanga ly'Abayudaaya, Abayudaaya. Ekyawandiikibwa kino, ekyo wiiki ensanvu, kyoleka ne kitegeeza butereevo okuva mu kiseera Danyeri mwe yatandikira awo, okutuuka ku nkomerero ya byonna. Ky'ekimu ku bintu ebikyasinzeeyo obukulu kwe balabira essaawa, Bameka abaali bampuliddeko nga njogera nti, "Bw'oba oyagala okumanya olunaku Iwa wiiki Iw'olimu, tunuulira kalenda. Bw'oba oyagala okumanya ekiseera mwe tuli, Tunuulira Abayudaaya?" Ekyo kituufu, Yiiyo awo kalenda ya Katonda, ng'eggiddwa awo wennyini. Buli eyasomerera eby'eddiini, n'omusomi wa Baibuli, buli muntu yenna, ajja kukubuulira nti okwo kwe balabira essaawa, Abayudaaya.

Kati tusigazzaayo budde ki? Kale tuli...abantu, ebbugumu, Oh, Nze...

Tewali bwe kikwatagana n'Ab'amawanga; Envumbo ezo Omusanvu, Kawumpuli ow'emirundi omusanvu, Ebwiobe omusanvu, Amakondeere Omusanvu, tekirina we kikwataganira n'akatono. Ekkanisa y'Ab'amawanga ejja kuba mu Kitiibwa mu kiseera ekyo. Tekirina bwe kitukwatako ffe, Ekkanisa y'Ab'amawanga. Kiri ku Isiraeri Yekka. "Danyeri, abantu bo ne Yerusaalemi."

74 Kati, era kiraga ensonga entuufu nti Katonda Akolagana n'Abayudaaya mu ngeri emu yokka nga bali ku butaka. Aleruuya! Awo we wali ekinnyusi, awo wennyini. Wabaddengawo abagezaako okubala okuva mu budde Isiraeri Iwe yaliwo mu kiseera kya Danyeri. Era waliwo omuwandiisi omukulu...kubanga, mmanyi abamu ku bagoberezi be batudde wano, sijja kukyogera. Wabula eyo ye nsonga Iwaki babadenga n'ebikyamu bino.

75 Mubadde mumanyi engeri ba Millerite, nga tebannaba kufuuka ba Seveniside, kye baakola waggulu wano? Mu 1919, bafuna ebiwaawaatiro byabwe, (Mwabiraba byonna mu lupapula Iw'amawulire oluyitibwa Courier), nga bwe bajja wali nga bagenda kusitulibwa, amakya g'olunaku olwo. Abo baali batuukiriza Wiiki za Danyeri ensanvu, Uh-huh, ba Millerite. Ate, oluvannyuma Iw'ebyo, ebya Mukyala Ellen White, eyali nnabbi waabwe omukazi, baakyuka ne batandika okweyita Abaseveniside. Kati nno baakyusa erinnya lyabwe era beeyita ba Voice of Prophecy. Mulaba? Amannya ag'emirundi esatu ku kibiina ky'eddiini ky'ekimu.

76 Kaakati, naye baali bakyamu, kubanga baali bagezaako okuleeta wiiki ensanvu ezo okutuukirira eri Abayudaaya era n'ab'amawanga. Ng'ate Ayogera wano nti, "kiri eri bantu bo." Era Katonda Takolaganangako na Muyudaaya yenna ng'ali bweru w'omu Buyudaaya. Era Masiya, mu kiseera kya wiiki ensanvu mu bbiri, Yasaribwako,(si ku bubwe Ye: ku Iwaffe, Yasaribwako), Isiraeri yasaasanyizibwa, ate nga tebakomangawo mu nsi yaabwe okutuusa jjuuzi. N'olwekyo, obudde tebwaweebwa eri mulembe gw'Ekkanisa. Mukitegeera? [Ekibiina kiddamu nti, "Amiina." -Omuk.] Kyali tekiyinza kubaawo mu 1919. Nsobola okubalaga ekyaliwo mu 1919, naye ekyo kyali Malayika oli, obubaka bwa Malayika ow'okusatu Iwe bwajja era Ekiwoobe ne kifuluma. Kituufu ddala. Naye tekyali ...Ekyo Kyali luli Ssematalo Iwe yayimirizibwa mu ngeri etaategeerekeka. Tujja kukiraba ekyo mu ssuula ey'omusanvu bwe tunaaba tutuseewo, nga tuli mu ssuula ey'omusanvu. Mmwenna mwali mumpulidde nga nkibulirako ekyo, emirundi mingi, mulaba, obubaka bwa Malayika bwe bwayogera nti, "Kwatirira empewo ennya ez'ensi okutuusa nga Abayudaaya bassiddwako akabonero, abaweeereza." Era, kati, baasigala balindiridde okutuusa omulembe gw'Ab'amawanga nga guweddeko. Olwo bw'Ajja, olwo nga-olwo nga Assaako akabonero ku Bayudaaya, emitwalo kkumi n'ena mu enkumi nnya bafuna Omwoyo Omutukuvu. Baabo awo emitwalo ekkumi n'ena mu enkumi nnya, nga bassiddwako akabonero. Okubikkulirwa 7. Mwali mukisomyeko.

"Ne ndaba ekibiina ekinene mu Ggulu," Yokaana nga y'alaba, "nga bava mu bika ebingi, n'ennimi, era n'amawanga, ne bayimirira mu maso ga Katonda, n'amatabi g'enkindu mu mikono gyabwe, nga bambadde ebyambalo ebyeru, nga bayimba. 'Aleeruuya! Amiina! Ekitiibwa, n'amagezi, n'ettendo, n'obuyinza, n'amaanyi, bibe eri Katonda waffe emirembe n'emirembe. Amiina!' nga bwe baleekaana."

77 Yokaana yali tabitegeera mu kiseera ekyo. Naye yatunula emabega n'alaba ku lusozi Sinaayi, (Ekitiibwa) emitwalo ekkumi n'ena mu enkumi nnya abaali bateeyonoonanga na bakazi. Abayudaaya! Abakazi, Amakanisa!

Baali tebeegasse ku bibiina byonna, ba Lutheran, Methodist, Baptist, ne ba Presbyterian. Naye baali Bayudaaya okuva ku ntandikwa, ba nnansangwa, ate nga balina ne Yeekaalu yaabwe, nga basinza ku Lusozi Sinaayi. Abo nga b'emitwalo ekkumi n'ena mu enkumi nnya. Ekyo kijja kino kiwedde; Ekkanisa nga yagenda dda mu Kitiibwa, Mulaba?

N'olwekyo Mw. Smith yali mukyamu, yalina kuba. Kubanga, ogenda kukiteeka otya ekyo wano mu 1919, ng'oggyamu bali emitwalo ekkumi n'ena mu enkumi nnya? Awo obeera ozzeeyo mu bya ba Russellite nate. Mulaba? Obeera oddiddeyo ddala mu njigiriza za ba Russellite, mbu Yesu Yajja mu 1914. 1919 n'Aggyawo Ekkanisa Ye. Era kati Ye gwe mubiri ogutalabika ogugenda wonna wonna mu nsi, nga guzuukiza...gugenda ku ntaana ya jjajja omukazi n'eya jjajja omusaja, ne gubazuukiza bona, abo bona abaali bakkiririza mu nkola ya ba Russellite." Butaliimu. Temuliimu nsa bw'okigeraageranya n'Ekimbo. Tekivaayo ng'ekituufu. Nedda ssebo.Tekisobla.

78 Naye, Katonda Alina Eky'amazima. Era Katonda Y'Oyo Ayinza okukibikkula, n'Akissaamu, era n'Akitulaga bulungi, ffe. Mulaba? Nzirkiriza Ajja kukikola. Sikimanyi. Mbabuulira Mazima. Simanyi, naye Nzirkiriza nti Ajja kukikola.

N'olwekyo, mukiraba nti, Katonda Takolaganangako n'Abayudaaya. (Njagala ekyo mukikuumire ku mitima gyammwe) kasita Isiraeri...

79 Era awo we nnagamba muganda wange ono ali wano, ayogera ku kugenda mu Isiraeri, muve ku Isiraeri! Mukyewalire ddala ekyo, mmwe mmwenna aboogera ku kukyusa Abayudaaya. Ng'Obubaka buno tebunnakoma, mujja kulaba nti ekyo kiri BW'ATYO BW'AYOGERA MUKAMA, okuyita mu Kigambo era ne mu Mwoyo. Isiraeri ajja kukyusibwa, eggwanga lyonna, mu kiro kimu. Baibuli ekyo Yakyogera. Naye ate Enjiri si yaabwe. Waliwo abakyamu abatono abali ebweru, bwe batyo, abajja, nga bali bweru w'ekibinja ky'Abayudaaya , abayingirawo ne balokoka. Ekyo Kituufu. Nkikkiriza ekyo ne-n'omutima gwange gwonna. Naye ate, mujjukire, nti kavuna Isiraeri babeera ebweru w'eggwanga lyabwe, tebasobola kulokolebwa. Kati nno bali mu kudda. Era bajja kulokolebwa, eggwanga lyonna , mu lunaku lumu. Baibuli yakyogerako. Olunaku lumu; ljija kuleeta, mu bujuvu, Isiraeri yenna okudda eri Katonda. Wagenda kubaawo ekintu eky'amaanyi ekikwata Isiraeri olumu ku nnaku zino, era kijja kunyeenya eggwanga lyonna. Ne nnabbi naye yayogerera waggulu, ng'agamba nti, "Mu lunaku olumu Okikoze kino." Mu lunaku lumu bajja kukiraba.

80 Wajja kubaawo ekintu eky'amaanyi. Mu kulowooza kwange, ajja kuba nnabbi ow'amaanyi ajja okusituka ayimirire mu Isiraeri, akakase gye bali nti Masiya Akyali mulamu. Masiya Oyo gwe baagaana...?...

Kati basoma Baibuli yaabwe, Baibuli y'omu Isiraeri. Bagisoma bava emabega nga badda mu maaso, y'engeri gye bagisoma. Era mumanyi olulimi Iw'Ekiyudaaya bwe luwandiikibwa. Era bwe bagisoma... Ne bakisoma nga Lewi Pethrus yabawerezaayo, akakadde ka Baibuli. Baagamba nti, "Ono Yesu bw'Aba nga..." Abo be Bayudaaya abaava e Iran, n'eri, nga tebawulirangako kintu kyonna ekiytibwa Masiya. Ate bwe baali beetegese okudda mu nsi yaabwe, kale, baali tebasobola kubateeka ku nnyonyi. Baali bakyalimisa enkumbi zaabwe enkadde. Mwakisomako mu katabo akayitibwa Look. Bameka abaakisomako mu butabo obwo Look ne Times. Weewaawo, mwakisomako. Mulaba? Bali tebasobola kuzirinnya. Awo Labbi oyo omukadde n'agolokoka n'agamba nti, "Mujjukire nti nnabbi waffe yagamba nti twali bakuddayo mu nsi yaffe ku biwaawaatiro by'empungu." Aleeruuya!

Amawanga gasasika, Isiraeri Azuukuka

Obubonero Baibuli bwe Yalagulako:

Ennaku z'Ab'amawanga ziggwaako, n'obukalubo bwetyongedde

"Mukomeewo, Mmwe abasaasaana, ewammwe."

Kyandibadde kirungi ne muzuukuka. Mukiwlidde ne mukiwlira, ne mukiwlira, naye olumu ku nnaku zino, gujja kuba omulundi ogusemba.

81 Isiraeri addayo mu nsi ye. Olunaku Katona Iw'Akituukiriza Isiraeri okufuuka eggwanga, lwe lunaku lwe watalibaawo ow'Amawanga omulala alokoka. Nja kukikakasa ekyo okuyita mu wiiki zino ensanvu, singa nsobola okufuna ennaku ezo. □□enda eyo ku... okufuna kalenda ze bakozesa mu by'okwekenneenyem munyeenyenye ne - ne Julian, ey'okwekenneenyemunyeenyenye, ey'Abaruumi, ne zonna. Waliwo ekisingawo awantu awamu. Weekiri. Katonda Akimanyi, era, Ye-Ye asobola bulungi nnyo okukibikkula. Mulaba? Nkimanyi nti kalenda ya Julian erina ennaku bisatu mu nkaaga mu ttaano era n'ekimu kya kuna eky'olunaku, mu mwaka. Kale, Oh, byonna byetabuddetabudde, naye waliwo amazima, awantu awamu.

82 Ndaba amakanisa mangi, ebibiina bingi, ng'abantu bangi bakwata *kino*, ate ng'abamu, "Mirembe Maria," era nga abamu basinza *kino*, na *kiri*, *n'ebirala*. Walina okubaawo Amazima, awantu awamu. Walina okubaawo Katonda, Awantu awamu. Walina okubaawo Obubaka, awantu awamu. Ndaba bannabbi ab'obulimba abasituka, nga beefuula abaawula emyoyo, n'ebintu ebirala byonna nga bigenda mu maaso. Era, walina okubaawo ekyannamaddala, awantu awamu, ekyo ekigingirire kwe kiva.

83 Ndaba abantu bakola eby'omubiri, nga baleekaana, n'okutiguka, nga bagenda ebweru ate ne batambulira mu bulamu bwonna bwe baagala. Walina okubaawo Omwoyo Omutukuvu owannamaddala eyo, awantu awamu. Ndaba abantu nga bannaddiini, n'ebiri ng'ebyo nga bagezaako okuba abeegendereza. Nkimanyi nti eriyo Katonda Owannamaddala, awantu awamu. Waliwo Omwoyo ogwannamaddala, awantu awamu, kubanga oyo nnamukadde omunnanfuusi akoppa ku kyannamaddala, ekyo ekigingirire. Walina okubaawo ekintu ekyannamaddala: oba musajja, oba bantu, oba Ekklesia, oba Katonda. Walina okubaawo ekintu ekituufu, awantu awamu, kubanga bino byonna babikoppolodde kuva ku kyo. Waliwo ekyannamaddala, awantu awamu.

Nnagamba ekklesia eno, ku birabo byammwe. [Ow'oluganda Branham Akonkona ku kituuti emirundi ena-Omuk.] Muwuliriza ebirabo byammwe; naye mubikumire mu Baibuli. Temukkiriza ebyefaananyiriza, ng'obwengula bujjudde ebyannamaddala. Leka tubeere n'ebyannamaddala. Leka tufune ebyannamaddala oba tetufuna kyonna n'akatono. Amiina.

84 Kaakati nga tumaliriza, Ky'ekintu eky'enkalakkira nti Katonda Akolagana ne Isiraeri nga bali mu nsi yaabwe kyokka. Katulabe Katonda lwe...Ibulayimu yava ku butaka n'agenda e Misiri, kiki ekyabaawo? Yava mu kwagala kwa Katonda, era teyaweebwa mukisa gwonna okutuusa ng'akomyewo ku butaka. Katonda Teyakolagana naye n'akatono, tewaaliwo okwolesebwa yadde okumu, newankubadde ekintu ekirala kyonna, okutuusa lwe yakomawo ku butaka.

Mulabe Isiraeri bwe baagenda e Misiri, emyaka ebikumi bina. Tewaaliwo yadde ekyamagero ekimu, newankubadde akabonero akamu, tewaaliwo wadde ekintu ekimu ekyabeerawo mu bo, tewali kiri mu buwandiike mu byafaayo by'Ekitalo. Ky'ekimu kiri ekyenda mu mwenda; bagenda mu kkanisa, ne omwana gw'endiga, ne boogerayo leka "Mirembe Maria," oba kyonna kye kiri. ne baddayo. Omwaka oguddako nga bakola ky'ekimu. Bakabona nga bakaayana, "Labbi gundi! Tujja kulonda Labbi gundi. Yasoma ebisingawo. Y'asinga okumanya ebifa ku ba Misiri." Olwali olwo, nga Abamisiri-nabo bona, bali ekintu ky'ekimu.

85 Ky'ekintu ky'ekimu ekibaddewo ku kkanisa. Ffenna tuggweeredde mu kufuuka aba Methodist, oba ba Baptist, oba ba Presbyterian. "era nno ffe tulina ddiguli okuva mu Hartford! Tulina ddiguli okuva mu Wheaton! Tulina ne ddiguli okuva awalala wonna, oba Bob Jones! Ffe, tulina Bachelor of Art! Tulina D.D., LL.D., n'ebirala bingi!" Bikomekkerezza mu ki? Entuumu y'eb'yobutaliimu.

Kiri nga bwe kyali e Misiri.

86 Era Katonda Takolaganangako ne Isiraeri okutuusa ng'akomyewo mu nsi ye. Mumpulirize! BW'ATI BW'AYOGERA MUKAMA, Katonda tajja kukolagana na Kkanisa Ye okutuusa nga Ekomyewo ku butaka bw'Ayo, Obubaka obw'essaawa. Mukomeewo ku byasooka! Muve ku ndowooza zammwe eza Methodist, Baptist, Presbyterian; n'encola zammwe eza Pentecostal, Assemblies, Oneness, Threeness, ne ba Fiveness, kyonna kye kiri; ba church of God, Nazarene, Pilgrim Holiness, church of Christ, byonna ebyo bisinde ebiwakanya Kristo! Era ndabira ddala nga kino kyewuunyisa eri ensi. Byonna bikyamu; Byonna bya Setaani. Oh, Abange! Mulimu abasajja abatya Katonda mu byonna ebyo. Mulimu abantu ba Katonda mu bisinde ebyo byonna. Naye ekibiina, mu kyo mwennyini, si kya Katonda, era Katonda Talikiwa mukisa. Takikolangako ekyo.

87 Mbuuza munnabyafaayo yenna (mmwe abaliwuliriza olutambi luno) mumpandiikire mumbuulire buli kkanisa lwe yafukanga ekibiina ky'eddiini, oba nga Katonda Teyagissanga ku mabbali n'Ataddayo kukolagana nayo nate. Mumbuulire ddi lwe Yaddamu okusitula ba Lutheran nate, oba ba Wesley ne ba Methodists oba ba Pentecostal. Teyakikola n'akatono! Ekibiina ekyo kyakwamira awo, nga kigongobadde era nga kivunze! Katonda Yatwalanga abantu ssekinoomu n'Agezaako okuzzaayo abantu mu nsi yaabwe. Ate olwo n'abantu abo nga banafuwadde era nga befeebyezza, nga balinayo ne diguli mu kintu ekimu, okutuusa bwe bakola ekibiina ky'eddiini ekirala, ne balyoka bafuuka abaana b'egyeene emirundi ebiri okusingawo nga bwe baali we baatandikira.

88 Naye, awantu awamu, mazima ddala, Yakuwa Alina omusajja gw'Ayinza okussaako emikono Gye, atekkiranye nabo...Ba, ekibiina ekitalina bwakatonda; oyo anaakyusa abantu okuddayo ku Lwazi, Kristo Yesu, okuddayo ku Pentekoote eyasooka era n'eri Omwoyo Omutukuvu Ow'olubereberye, n'obubonero obw'olubereberye era n'ebywuuunyo eby'olubereberye. Mazima ddala Amulina, awantu awamu, oyo atajja kutendewererwa wansi w'okunyigirizibwa kwonna, akoowe, aggweemu amaanyi, alekulire, n'ekirala kyonna; naye ajja okusigala ku kyo.

89 Katonda Tawangako Isiraeri mukisa okutuusa nga bazzeeyo mu nsi yaabwe. Katonda Talikuwa mukisa gwonna, ng'omu Methodist, mu Baptist, mu Presbyterian, Mukatuliki oba mu Pilgrim Holiness, mu

Nazarene, church of Christ oba-oba ekibiina ky'Abapentekoote. Talikuwa mukisa mu ngeri bw'etyo. Komawo ku butaka, ku lubereberye, komawo eri obumanyirivu bw'Obulamu bwa Pentekoote nga bwe kyali ku Lunaku Iwa Pentekoote Amaanyi ga Katonda Iwe Gaakyusa obulamu bw'enkumi n'enkumi z'abantu abo, ne Gakoleeza emitima gyabwe okwaka n'Omuliro gwa Katonda, ekyalabikira ebweru nga kyannamaddala; nga si buponero bwe bageegeenyenza; nga si kugeegeenya nga basoma bwongo, nga si bwakazanyirizi obw'okuyingira mu mpaka nga bwe kiri wano mu America.

"Ani alina eweema esingayo obunene?" oba "Ani asinga okuba n'abantu abangi?" Kale ekyo kikola makulu ki eri Katonda? Katonda Ayagala abantu nga balina emitima egy'obwesimbu, si bibinja binene. Ate awo ffenna tuli mu empaka mu ekyo, nga tuli mu kafubo. Nga kya buswavu, okulaba oba nga tunaayongerayo abantu olukumi ku kibiina kyaffe. Kya buswavu nnyo. Ayagala tuddeyo ku Mazima, tuddeyo eri Omwoyo, tuddeyo eri Ekitangaala ekituufu, tuddeyo mu kkubo etuufu mu Kristo, tuddeyo eri Amazima. Ayinza Atya okutuwa omukisa mu ngeri gye tugendamu? Tajja kukikola.

90 Teyawa Isiraeri mukisa okutuusa nga bakomyewo mu nsi ensuubize. Era bwe baakomawo mu nsi ensuubize, obubonero n'ebywuuunisa ne bitandika okubaawo. Yatuma omusajja gye bali, ng'erinnya lye Ye Musa . Musa yajja na kiki, n'okusoma eby'eddiini okulongooseemu? Yajja gye bali ne ddiguli ya Bachelor of Art? Yajja gye bali ne LL.D., Ph.D.? Yajja n'Amaanyi ga Yakuwa, n'Obubaka nti, "Muddeeyo mu nsi yammwe, okuva mu nsi eno. Muddeeyo, mmwe abaasaasaana, ewammwe." Amiina!

91 Abayudaaya bamaze kumpi emyaka enkumi bbiri, nga bali bweru w'ensi yaabwe, nga baasaasaana eri empewo ennya ez'ensi. Nga bwe twandikikoze Obubaka buno ne butwala wiiki eziwerako kaakano, singa tubadde ba kubuyingiram uebuziba. Tusobola okulondoola Isiraeri okuviiira ddala emabega ne tulaba we baasaasaanyizibwa obwakabaka bwe Rooma, olw'okuba baagaana okusembeza Masiya; nga bwe baasaasaanyizibwa ne bagenda mu buli ggwanga wansi w'eggulu. Twandizzeeyo ku Yakobo, Isiraeri, eri mu Lubereberye 44 ne 45, ne tulaga awo nga bwe yawa abakadde abo omukisa era n'ababuulira wa wennyini we balibeera batuula mu nnaku ez'oluvannyuma. Era nsobola okubalaga wennyini (buli ggwanga) lya Isiraeri, Buli kika kya Isiraeri, nga liri wennyini mu mawanga we bayogera nti we lirina okuba. Ate tuutuno wano leero.

92 Omuyudaaya gwe tumanyi, si ye Muyudaaya yennyini. Omuyudaaya yennyini y'oyo nnansangwa ateyyonoonye n'ebintu by'ensi, oyo atafulumye kwegatta n'amakanisa amalala. Abo be bali abali mu kuddayo eka, balya omuzigo gwa kiizi n'omugaati, eyo mu njegooyego z'ensozi, nga tebakkirizibwa kuyingira mu kibuga ekikadde. Baalina okubazimbira ekibuga eno ku mabbali, mu ttaka omutali afuga, nga n'emmundu ziluwandula masasi zitunudde eruuyi n'erusi. Naye atandise okutojera. Amiina, era Amiina! Ekiseera kituuse.

93 Baabo Isimaeri ne Isaaka, nga bali awo, nga bali mu kunenenjana olw'ettaka, ate, naye nga lyo lya Isiraeri. Bw'oba ng'osobodde okuyingirayo mu Yerusaalemi omupya, tebaja kukukkiriza kuyingira mu Yerusaalemi omukadde. Olina kusooka kugenda eyo ne bakunyyonnyola byonna, Abawalabu, olwo ne balyoka bakutwala ku ludda olulala luli. Abo be baana ba Isimaeri. Naye, mulindeeko katono, wagenda kujja ekiseera abaana ba Katonda Iwe bagenda okukyetwalira kyonna. Kituufu ekyo. Yerusaalemi ajja kuzimbibwa buto nate. Ssaddaaka ya buli lunaku eryoke ezzibwewo. Era omulabe wa Kristo alikola endagaano ku lwa wiiki ezo ezsomba omusantu. Era mu makkatti gaabyo, alimenya endagaano eyo, n'abakyusa okudda eri Obukatuliki. Eky'omuzizo kisaasaane wonna, bwe kityo, ate olwo enkomerero etuuke. Mugenderere

94 "Wiiki ensantu." Weewaawo, bamaze kumpi emyaka enkumi bbiri mu buwanjjanguse; babadde baagobwa; abantu baabwe; nga bwe kyali mu kukakanyaala kw'omutima gwa Falaawo, Yalina okukakanyaaza omutima gwa Hitler. Baafiira mu bukadde n'obukadde. Mulabe ono Eichmann, eyasingibwa omusango gw'okutta Abayudaaya obukadde mukaaga. Obukadde mukaaga, obw'emeeme z'abantu, abaana abawere, abaana abato, abantu abakulu, bona battibwa; Eichmann, omusajja omu.

Mulabe Russia, nga bwe mwabagobayo eyo. Baabagoba okudda buli wamu. Olw'okuba baali eggwanga erinyoomebwa. Naye olw'okwagala kw'essente zaabwe, baakomawo nate. Naye abatono abo bali mu kuddayo mu Buyudaaya. Amiina, ab'oluganda!

95 Bwe munaamulaba ng'atandise okuddayo ewuwe ku butaka! Balinayo bangi ekimala okuweza omuwendo guli ogw'emitwalo ekkumi n'ena mu enkumi ennya. Ate kiki ekigenda mu maaso? Bagenda kutegeera Yusufu waabwe. Temweraliikirira. Yee, ssebo. Ate era bali awo bakirindiridde okutuukirira. Era essaawa eyo yennyini...

Amawanga gaabalangirira okubeera eggwanga mu butongole, omwaka guno oguwedde. Ekyo bwe kituukirira, nga tuli kumpi n'enkomerero, Ekkanisa y'Ab'amawanga nga egenze. Kale, nno ebiseera ebisinga, Katonda Yayogeranga nti, "Isiraeri bantu Bange." Ekyo Iwe kinabaawo, nga Ab'amawanga bakomye.

96 "Balikirinnyirira," bwe Yagamba Yesu, mu Matayo 24. "Ekyomuzzizo ekizikiriza, balirinnyirira ebisenge

bya Yerusaalemi okutuusa nga Omulembe gw'Ab'amawanga guweddeko." Ng'ogwo guweddeko, olwo ng'Abayudaaya bakomawo e Yerusaalemi, okuzimba nate yeekaalu n'okuzzaawo okusinza mu Yeekaalu. Tujja kubiraba ebyo byonna mu Bubaka obunnaddako, wiiki ensanvu ez'ebigendererwa omukaaga.

Kati njenda kukisoma nate nga tetunnaggalawo, kubanga kirabika ekiseera kituuse ffe okuddayo eka, ate tukomewo ekiro kya leero ku ssaawa emu.

97 Okusooka, okusooka,bwe muba nga mukiwandiika, "Okukomya okusobya." Danyeri, essuula ey'omwenda, olunyiriri olw'abiri mu ennya. "Okukomya okusobya," emu. "Okumalawo okwonoona," bbiri. "Okutabaganya olw'obutali butuukirivu," ssatu. "Okuyingiza obutuukirivu obutaliggwaawo," nnya. "Okussa akabonero ku ebyo ebyayolesebwa ne ku ebyo ebyalagulwa," ttaano. "Okufuka amafuta ku Oyo Asinga Obutukuvu," mukaaga. Era nga ebyo bye tugenda okwogerako ekiro kino. Katonda, nga Atuukiriza!

98 Kati mulindeeko, leka nkiddemu nate, musobole okukifuna. Ekisooka, "Okukomya okusobya." Eky'okubiri, "Okumalawo okwonoona." Eky'okusatu, "Okutabaganya olw'obutali butuukirivu." Eky'okuna, "Okuyingiza obutuukirivu obutaliggwaawo." eky'okutaano, "Okussa akabonero ku ebyo ebyayolesebwa ne ku ebyo ebyalagulwa." Eky'omukaaga, "Okufuka amafuta ku Oyo Asinga Obutukuvu." Leka nkibasomere kaakano okuva mu Baibuli. Lwe Lunyiriri olw'abiri mu ennya.

Sabbiiti ensanvu ziragiddwa abantu bo (Abayudaaya) n'eri ekibuga kyo -n'ekibuga kyo ekitukuvu (Isiraeri, Abayudaaya, Yerusaalemi), okukomya...okusobya (emu), n'okumalawo okwonoona (bbiri),... okutabaganya olw'obutali butuukirivu (ssatu),...Okuyingiza obutuukirivu obutaliggwaawo (nnya), n'okussa akabonero ku ebyo ebyayolesebwa (ttaano) - ebyayolesebwa ne ku ebyo ebyalagulwa, n'okufuka amafuta ku oyo asinga obutukuvu (mukaaga).

Ebyo byennyini bye Yajja okumubuulira, ebyali bigenda okukolebwa, olwo enkomerero etuuke.

Kaakati, ekiro kya leero tujja kutegeera ebintu ebyo kye biri, era tutuuse wa mu kugenda eyo. Ate era Ssande ejja, tujja kugisaamu ebiro by'obudde ebigabanyizibbwamu n'awo wennyini we tuli. Mmwagalal Ye.

99 Isiraeri ng'eddayo ku butaka, mu Isiraeri. Leka njogerekko ku kino kati nga...ndowooza tekiri ku lutambi. Leka njogere ku kino. Essaawa y'emu yennyini Isiraeri lwe yafuuka eggwanga ery'etongodde...Ensonga Iwaki mbadde nkikkiriza kino bulijjo, n'okuba nga ndi mu maaso g'ekibiina kyange wano, nti nnina omutemwa gwange, nga sinnafa, mu kukomyawo Isiraeri eri Mukama. Kiri Iwakuba nti, essaawa yennyini, ku kirango kya ba Pan American, Isiraeri lwe yalangirirwa okuba eggwanga ery'etongodde, omulundi ogwasooka mu bbanga ery'emyaka enkumi bbiri okuva lwe baasaasaana, nga tebali ggwanga, kyali mu ssaawa eyo yennyini, nga y'emu yennyini, Malayika wa Mukama lwe Yansisinkana engulu wali n'Antuma eri...n'Enjiri. Kintu ky'ekimu kyennyini, nga Maayi olunaku olw'omusanvu mu mwaka 1946.

Kaakati, ate, ekintu ekirala ekindeetera okumanya . Kwe "Kuzzaayo emitima gy'abaana eri bakitaabwe, n'emitima gy'a bakitaabwe eri abaana," Obubaka. Mwetegereze, Malaki 4(si ssatu), 4!

100 Ekintu ekirala, Billy, mutabani wange, lwe yali nange, n'ow'Oluganda Ern Baxter, bwe twali mu lugendo okugenda e Buyudaaya, Nga tumaze okusinsinkana Abayudaaya ewa Ow'oluganda Arganbright, ne balaba ebyali mu lukanjaana. Lewi Pethrus yali abaweerezza Baibuli zino ewaabwe. N'agamba...Abayudaaya bano bajja, ne bagamba nti, "Singa onooyitayo ekibinja ky'abakulembeze ba Isiraeri, kye ntegeeza, si bano ba Labbi abapya n'emikolo gyabwe, naye n'okunjaanya abakulembeze ba Isiraeri abatuufu. Era ffe tusomye Endagaano Empya eno, ate nga tukimanyi nti Masiya Iw'Alijja, Alitubuulira ebintu bino, ng'omukazi we Samaliya. Tumanyi nti Musa yagamba nti Masiya waffe Akiba nnabbi. Era bw'onoobabuulira n'balaga, okusinjiira mu Byawandiikibwa," ng'ate ekyo kye tugenda okufuna mu Bubaka bw'ekiro kya leero, " Nti baalina okuzibwa amaaso n'emitima gyabwe ne gisalibwako, ekiseera ky'Ab'amawanga kiryoke kituukirire, tusobole okuba n'ekiseera ky'okutabaganya Ab'amawanga. Ate era emitima gyabwe gyakakanyala ddala nga bwe kyali mu nnaku za Yusufu n'abalala. Kati olwo n'okunjaanya Abayudaaya abo mu kifo ekimu, n'oyitayo abasajja abo okuva mu kibiina ekyo, nga bw'okikola eri Ab'amawanga bano, n'okulunjamizibwa kw'Omwoyo." Kubanga, baayogera nti, "Yesu Ono bw'Aba, bw'Aba nga Ye Masiya, nga n'ebigambo byo bituufu, awo Abeera si mufu, wabula nga Mulamu. Era bw'Aba nga Mulamu, Yasuubiza okuba mu...abaw...omuweereza We- abaweerezza Be, abayigirizwa Be. Ate bwe tumulaba nga Akola akabonero ka nnabbi, olwo tujja kukkiriza nti Oyo ye Masiya." Nga kissukiridde obulungi ekyo, mazima ddala. Kati olwo, kiba kikoze ki? Eggwanga liba lizaaliddwa mu lunaku lumu, wakati w'abakulembeze. Buli omu aba agamba nti, "Tukimanyi." Ate Labbi oyo bw'ayogera ekyo, nga ekyo kimala. Eggwanga libeera lizaaliddwa mu lunaku lumu. Isiraeri aba azaaliddwa mu lunaku lumu.

101 Kati nnali mu lugendo, nga ndi Cairo, e Misiri, ne ttikititi yange mu ngalo, era ng'ebulayo eddakiika kkumi na ttaano oba abiri zokka okukuba essimu. Baali bateekateeka kukuba ssimu. Ne nvaawo ne ntambulako okugenda okulaba akatundu k'omuti gwe bayita ebony, nga waliwo akayovu akatono ke

baawunda okuva mu muti ogwo ebony, nga kalina n'akasanga. Nnali njenda kukaweereza mukwano gwange omusawo , Dr. Sam Adair, okukakozesa okuteekamu empapula. Era nnali nkaturuulira. Ne wabaawo ekyogera nange nti, "Eno si ye ssaawa. Weewale e Buyudaaya."

Bwe ntyo ne ndowooza nti, "Oyo abadde nze nga ndowooza ebyo." Ne □□enda mu maaso

Ne wabaawo ekyogera nti, "Eno si ye ssaawa."

Ne nfuluma ne □□enda emabega w'akasaakaate okwewogoma. Ne nsitula omutwe gwange eri Katonda. Ne □□amba nti, "Ai Katonda, Oyo abadde Ggwe ng'Oyogera nange?"

N'Anziramu, "Eno si ye ssaawa. Weewale e Buyudaaya. Kino si kye kiseera." Bwe ntyo ne nkwater tikitiki yange n'engikyusa, n'enva awo okuyita e Rooma, n'enkomawo e Lisbon, mu Portugal, era olwava awo ne nkomawo mu America.

102 Essaawa yali tennatuuka. Obutali butuukirivu bw'Ab'amawanga tebunnajjula, okutuuka ekikompe we kikoma. Naye olunaku olumu kijja kubaawo, era Katonda Alibatumira omuntu nga nnabbi, era alikikakasa gye bali. Nzirkiriza nti Katonda Ajja kumusitula mangu, oyo yenna kyali, nti Ajja kumusitula mangu. Nzirkiriza kirina okujja. Eyo y'ensonga Iwaki tuli mu kuyiga ku kino, nti tuli kumpi nnyo nakyo.

103 Ate, mujjukire nti akaseera ako kennyini Abayudaaya mwe bafunira Kristo, Ekkanisa y'Ab'amawanga eba egenze. Awo Ab'amawanga balyoke bafune kawumpuli yenna okubagwako, Ekibonyoobonyo.

Kati-kati ate abasajja bayinza batya, abayigiriza ab'amaanyi bayigiriza batya nti, nga batunuulira Baibuli eno bw'eti, ne boogera nti Ekkanisa yaakuyita mu kiseera ky'Ekibonyoobonyo, ng'ate tewali Kyawandikibwa n'ekimu mu Baibuli ekikyogerako! Tebalina kintu na kimu.

104 Omusajja omu yanjamba, si dda nnyo, yanjamba nti, "Oh, Mwannyinaze McPherson yayigiriza nti Ekkanisa yali yakugenda mu Kibonyoobonyo, kubanga tuliba bitangaala mu kiseera ekyo." Aliba Isiraeri olwo, si Ab'amawanga.

Ab'amawanga baliba baagenda dda, Ekkanisa. Tebalina kuyita mu Kibonyoobonyo kyonna. "Ogusota gwawandula amazzi okuva mu kamwa kaagwo," Mu Ssuula ey'ekkumi na musanvu, " ne gulwanagana n'abaasigalawo," embeerera ezeebasse. Si... Ekkanisa eyannamaddala eba yavaawo dda. Ebeera eri ku Mbaga y'Obugole mu zino ekiseera Embaga y'Obugole Iw'eliba nga egenda mu maaso, mu wiiki esemba. Era olwo Ekibonyoobonyo lwe kiritandika, enzige n'okubonaabona lwe birijja ku makanisa, ebintu ng'ebyo.

Ate olwo, ku nkomerero mu ssuula ey'ekkumi na mwenda, wuuno Ajja ne Bba. Aleeruuya! " Kabaka wa bakabaka, era Mukama w'abakama; n'olugoye lwe nga lunnyikiddwa mu Musaayi, nga n'eggye ly'omu Ggulu beebagadde embalaasi enjeru, nga bajja Naye. Wuuyo nga Azze, okutwala ekifo Kye mu kufugiranga awamu Naye Emyaka Olukumi. Amiina! Oh!

Lyebazibwe Erinnya Eryo,
oh, lyebazibwe Erinnya Eryo,
Lyebazibwe Erinnya Iya Mukama;
Lyebazibwe Erinnya Eryo,
Oh, lyebazibwe Erinnya Eryo,
Lyebazibwe Erinnya Iya Mukama.
Yesu Lye Linnya,
Yesu Lye Linnya,
Yesu Lye Linnya Iya Mukama;
Yesu Lye Linnya,
oh, Yesu Lye Linnya,
Yesu Lye Erinnya Iya Mukama.
Gulumiza Erinnya Lye,
Oh, Gulumiza Erinnya Lye,
Oh, Gulumiza Erinnya Iya Mukama;
Gulumiza Erinnya Lye,

oh, Gulumiza Erinnya Lye,

Gulumiza Erinnya lya Mukama.

105 Okikola otya? Olifuula ekkulu mu bulamu bwo. Otambulira mu bulamu bwe boogerako nti, "Wuuyo awo omuweereza wa Kristo." Bw'otyo bw'ogulumiza Erinnya eryo. Ka tulabe.

Oh, temumwagala Ye? [Ekibiina kiddamu nti, "Amiina."-Omuk.] Oh, Abange! Oluyimba Iwaffe kati:

Mu kibantu eda ennyo, mmanyi kyali bwe kityo,

Omwana Yazaalibwa okulokola abantu ku bibi byabwe.

Yokaana yamulaba ku lubalama eyo, Omwana gw'Endiga ow'olubeerera,

Omwana gw'Endiga n'Envumbo ziri Omusanvu, nga Ye Yekka mu Ggulu ne ku nsi Eyali Asobola okukitoola. Mu kiban-...

Mu kibantu edda ennyo, mmanyi kyali bwe kityo,

Omwana Yazaalibwa okulokola abantu ku bibi byabwe.

Yokaana yamulaba ku lubalama eyo, Omwana gw'Endiga ow'olubeerera,

Oh, Lyebazibwe Erinnya Lya Mukama.

Lyebazibwe Erinnya Eryo,

Oh, lyebazibwe Erinnya Eryo,

Lyebazibwe Erinnya lya Mukama;

Lyebazibwe Erinnya Eryo,

Iyebazibwe Erinnya Eryo,

Lyebazibwe Erinnya lya Mukama.

106 Njagala nnyo okusinza. Mmwe temukyagala? [Ekibiina kiddamu nti, "Amiina."-Omuk.] Kaakati, tetujja ku kkanisa okuwulira obuwulizi Obubaka; ekyo kigendera wamu nakyo. Naye tujja mu kkanisa okusinza, okusinza mu Mwoyo ne mu Mazima. Muwulidde Amazima; Ekyo nga Kye Kigambo. Mulaba? Kati , Okusinza, kwe kwewaayo wenna gy'Ali. Mulaba?

Oh, Njagala nnyo Omusajja Ow'omu Ggaliraaya Oyo! Tuwe eddoboozi ku olwo. Yee, ssebo. Olumanyi , Teddy? nneerabiddemu kati. Leka tulabe. Lrka tulabe.

Oh, Njagala nnyo, njagala nnyo Omusajja Oyo Ow'omu Ggaliraaya

Kubanga Ankoledde bingi nnyo.

Ansonyiye ebibi byange byonna, n'Assa Omwoyo Omukutuvu munda;

Oh, Njagala nnyo, njagala nnyo Omusajja Oyo Ow'omu Ggaliraaya

Omwooza yagenda okusaba mu Yeekaalu olunaku olumu,

Yakaaba nti, "Ai Mukama, Onsaasire nze!"

Yasoniyibwa ebibi byonna, obuziba bw'emirembe ne bumuwewbwa munda;

N'agamba nti. " Mujje mulabe Omusajja Ono Ow'omu Ggaliraaya.

Oh, Njagala nnyo Omusajja Oyo Ow'omu Ggaliraaya, Ow'omu Ggaliraaya,

Kubanga Ankoledde bingi nnyo.

Ansonyiye ebibi byange byonna, n'Assa Omwoyo Omukutuvu munda;

Oh, Njagala nnyo, njagala nnyo Omusajja Oyo Ow'omu Ggaliraaya.

Omulema yatambula, ne kasiru n'ayogera.

Amaanyi ago gaayogerwa n'okwagala ku nnyanja.

Omuzibe yalaba, Mmanyi nti kyalina kuba kimu

Amaanyi g'Omusajja Oyo omu Ggaliraaya.

Oh, Njagala nnyo Omusajja Oyo Ow'omu Ggaliraaya, Ow'omu Ggaliraaya,
Kubanga Ankoledde bingi nnyo.

Ansonyiye ebibi byange byonna, n'Assa Omwoyo Omutukuvu munda;

Oh, Njagala nnyo, njagala nnyo Omusajja Oyo Ow'omu Ggaliraaya.

Muwulirize ku kino.

N'omukazi ku Iuzzi, Yamubuulira ebibi bye byonna,

Nga bwe yalina abasajja abataano mu kaseera ako. (Y'Oyo.)

Yasoniyibwa ebibi byonna, obuziba bw'eddembe ne bujja mu ye;

N'alyoka aleekaana nti, "Mujje, mulabe Omusajja Ono Ow'omu Ggaliraaya!"

Oh, Njagala nnyo Omusajja Oyo Ow'omu Ggaliraaya, Ow'omu Ggaliraaya,
Kubanga Ankoledde bingi nnyo.

Ansonyiye ebibi byange byonna, n'Assa Omwoyo Omutukuvu munda;

Oh, Njagala nnyo, njagala nnyo Omusajja Oyo Ow'omu Ggaliraaya.

107 Mmwagala nnyo. Temumwagala nnammwe? [Ekibiina kiddamu nti, "Amiina." -Omuk.] Omutima gwange gwonna! Temumwagala nnammwe? ["Amiina."] Si wa Kitalo nnyo ddala? ["Amiina."]

Oh, wa kitalo, wa kitalo, Yesu ekyo ky'Ali gyendi, (Kiki ky'Ali?)

Ateesa ebigambo, Omukulu Ow'emirembe, Katonda Ow'amaanyi;

Oh, Andokodde, n'Ankuuma ku kibi kyonna n'obuswavu,

Wa kitalo Omununuzi wange, Erinnya Lye litenderezebwe!

Ka tukoteke ku mitwe gyaffe kaakano era tukirowoozeeko.

Olumu Nnali mbuze, naye kati nnalokolebwa, nnina eddembe ku kusalibwa omusango, (amawanga gasasika; si kikulu)

Yesu Awa eddembe n'obulokozi obujjuvu;

Andokodde, Ankuuma ku kibi kyonna n'obuswavu,

Wa kitalo Omununuzi wange, Erinnya Lye litenderezebwe!

Oh, wa kitalo, wa kitalo, Yesu ekyo ky'Ali gyendi,

Ateesa ebigambo, Omukulu Ow'emirembe, Katonda Ow'amaanyi;

Andokodde, n'Ankuuma ku kibi kyonna n'obuswavu,

Wa kitalo Omununuzi wange, Erinnya Lye litenderezebwe!

Oh, mukirowoozeeko!

Olumu Nnali mbuze, naye kati nnalokolebwa, nnina eddembe ku kusalibwa omusango,

Yesu Awa eddembe n'obulokozi obujjuvu;

Andokodde, (Ankoledde ki?) Ankuuma ku kibi kyonna n'obuswavu, (nseeyeyea waggulu wa kyo)

Oh, Wa kitalo Omununuzi wange, Erinnya Lye litenderezebwe!

Kati ffenna wamu!

Oh, wa kitalo, wa kitalo, Yesu ekyo ky'Ali gyendi,

Ateesa ebigambo, Omukulu Ow'emirembe, Katonda Ow'amaanyi;

Kale, Andokodde, n'Ankuuma ku kibi kyonna n'obuswavu,

Wa kitalo Omununuzi wange, Erinnya Lye litenderezebwe!

Oh, nga Mmwagala Yesu, (Ekitiibwa!)

Oh, Nga Mmwagala...

Ndi musanyufu nnyo nti nnalokoka! Ndi musanyufu nnyo nti nnindiridde Okujja Kwe!

Oh, nga Mmwagala Yesu,

Kubanga Ye yasooka okunjagala.

Kati emikono gyaffe nga tugiwanise, bwe tuba nga tukitegeeza.

Sirimwabulira,

Sirimwabulira,

Sirimwabulira,

Kubanga Ye yasooka okunjagala.

108 Mumwagala? [Ekibiina kiddamu nti, "Yee." -Omuk.] Olwo mulina okwagalana. Kubanga, bw'oba toyagala abo b'olabako wano, Oyinza otya okwagala Oyo gw'otalabangako? Leka tukwataganeko mu ngalo, nga bwe tugamba nti:

Oh, nga Mmwagala Yesu,

Oh, nga Mmwagala Yesu,

Oh, nga Mmwagala Yesu,

Kubanga Ye yasooka okunjagala.

Sirimwa... (Muwanike emikono gyammwe gy'Ali kati. Kyekyo.) ...bulira,

Sirimwabulira,

Sirimwabulira,

Kubanga Ye yasooka okunjagala

109 Mukirowoozeeko, Yatuwadde okubikkulirwa okukulu okwo. Tetumwagala Ye? [Ekibiina kiddamu nti, "Amiina." -Omuk.] Si wa Kitalo nnyo? ["Amiina."] Nga tusiima nnyo olwa Mukama waffe Oyo Yesu; Atalitulekerera. "Laba, Ndi nnammwe bulijjo, okutuusa ne..." Muzaagadde Wiiki za Danyeri Ensanvu? ["Amiina."] Oh, tetumwagala nnyo ffe? Kikola kitya?

Okukkiriza kwange kutunuulidde Ggwe,

Ggwe Omwana gw'Endiga ye Kaluvario,

Mulokozi...

Kale mumusinze, okuva mu mitima gyammwe

Kaakano mpulira nga nsaba,

Onzigyeko ebibi byange byonna,

Okuva n'olwaleero

Leka mbeere Owuwo!

Nga nkyatambulira mu mbeera ezirimu okutabulatabula, (Ffenna tubiyitamu)

Nga enyiike eneetoolodde, (Yee, Mukama.)

Beera Ggwe omuluŋjamya wange; (ng'onnuŋjamya okukiyitamu, Mukama.)

Oh lagira enzikiza efuuke kitangaala,

Osangulewo okutya kw'ennaku,

Tondeka kuwaba

Nga nkuvaako Ggwe

[Ow'oluganda Branham atandika okumuumunya oluyimba Okukkiriza Kwange Kutunuulidde Ggwe-

Omuk.]

Amaanyi eri emmeeme yange etendewererwa,
 Ozzeemu amaanyi okuyaayaana kwange;
 Lagira enzikiza efuuke kitangaala,
 Osangulewo okutya kwange,
 Okuva n'olwa leero
 Leka mbeere Owuwo!

110 O Yesu, tulaba nti tusemberedde ekintu ekikulu. Isaaya nnabbi yali yakyogerako; Yeremiya yakyogerako. Danyeri yatunula ku by'emabega n'alaba bye baayogera. Kyaleetera omutima gwe okunyenyezebw, era -era yatunuza amaaso ge eri Eggulu. N'asiiba, ng'ali mu bibukutu n'evvu. Yayagala okuwulira, alyoke alabule abantu.

Mukama, tulaba okuva mu Bitabo, nabyo, Ekitabo Kyo, Ekitabo kya Isaaya, Ekitabo kya Yeremiya, Ekitabo kya Yakobo, Yokaana, Lukka, Makko, Matayo, Ekitabo ky'Okubikkulirwa, Ebitabo Byo byonna, nti tusemberedde enkomerero. Era naffe tuyimusizza amaaso gaffe eri Eggulu, mu kusaba, n'okwegayirira, okuzuula wa we tuli, Mukama. Tutandise okulaba ekitangaala ky'olunaku olupya. Era, Mukama, tuja gy'Oli. Okukkiriza kwaffe kutunuulidde Ggwe kat. Nga tusudde wabbali buli ekizitowa, buli kibi, buli katondo k'obutakkiriza akayinza okutwegattako, tufuba kaakano okutuuka ku kiruubirirwa eky'okufuna empeera ey'okuyitibwa okw'omu Ggulu, nga tumanyi nti obudde bwe tulina butono ddala.

111 Wa Omukisa abantu bano wano, Mukama. Bakwagala. Babo. Baafuluma. Gwe Akola ogw'okutubikkulira, Tusaba nti Onootuwa ebintu bino nga bwe tukulindiridde.

Tuwe olw'eggulo olw'okuyiga olulungi, Mukama. Tuwe Okutegeera. Tukomyewo ekiro kya leero nga tuwewedde. Mukama, Onfukeko amafuta Go olw'eggulo Iwa leero, Oh nga bwe nsoma, Mukama, Ku nsonga zino omukaaga ez'okukyala kwa Gabulyeri. Gabulyeri bw'Ajja okukyala Awa ensonga mukaaga, Mukama, tulina okukitegeera ekyo. Tusoma nga tukozesa Bitabo era tumanyi nti tuli kumpi. N'olw'ekyo tusaba Okitubikkulire ekiro kya leero.

Ssande ejja, Mukama, Ai Katonda, Ozituteeremu ennaku ezo omwo. Simanyi kikolebwa kitya, naye Ggwe Osobola okututuusizza ddala ku kiseera kyennyini. Kituwe, Taata. Tutunuulidde Ggwe. Twagalana era Omusaayi gwa Yesu Kristo, Omwana wa Katonda, Gwatunaazaako ekibi kyonna. Tutunuulidde Ggwe Kaakano. Tuyambe nga tukulindirira, Taata, okuyita mu Yesu Mukama waffe.



Byabuulirwa
William Marrion Branham
 "...mu nnaku z'eddoboozi..." Kub. 10:7